



APVD INCLYTAM

IO·GARZO·
NIS BONO·
NIENSIS DE
REBVSS SAX·
ONIAE, THVRINGIAE, LI·
BONOTRIAE, MISNAE, ET
LVSATIAE, LIBRI DVO.

Ad illustrissimum Federicum
Saxoniz Ducem.

GERMANIAE BASILEAM.

ILLVSTRISSIMO
ET MAGNANIMO PRINCIPI GEORGIO,
SAXONIAE DVCI, THVRINGIAE
LANDTGRAVIO, MARCHIONI
MISNAE, ERASMVS STEL/
LA HIPPOCENIVS LI/
BONOTHANVS FE/
LICITATEM.

BEllum quod progenitores tui Georgi prin-
ceps illust. aduersus duos Rom. Imperat.
Albertum & Adulphum, dum patriam
hanc nostram armis occupandam contem-
pererent, non minus fortiter, q̄ pie gesserunt, superiori-
bus annis, Ioannes Garzon Bononiensis praeceptor
meus eruditissimus, historia tum eleganti, tum illustri
complexus est, quā fratri tuo Federico principi & ma-
gnanimo, & pientissimo dicauit, uel quo res tam prā-
fustres Federico duce gestæ eadem Federico auspice in
publicum prodirent, uel quo generosissimo principi
domi esse, ut in proverbio est, indicaret, unde rationē
imperandi sumeret, hoc est, gentilicī exempla patere,
quibus ad consummati principis munus obcundum
incitaret, rebusq; patriæ, & pacis & belli tempore salu-
briter consulere posset. Cum nulla accommodacion uia
principi ad recte agendum, ac iuste decernendum in-
ueniri

ERAS. STELLA AD GEOR. DVCEM SAX. 3

ueniri queat, q; sibi maiorum uestigia, quibus patriæ
deus, cōmodum & salus obtigit, imitanda preponere,
ut his obseruatis, res patriæ facilius, non modo conser-
uaturus, sed etiā ampliaturus sit: qua opinione sapien-
tissimus ille animi effector nihil à uia aberrauit. Nam
breui post, Federicus noster cui latissimū Borussiæ im-
perium cum sacrosanctæ Teutonicorum militiæ, supre-
mo magistratu delatum est, talem egit principem, qua
lem ante eum nullus, post ipsum uix alter. Tanta enim
sapiencia, iustitia, prudentia, magnanimitate, uniuers-
itatem prouinciam administravit superiorum bellorum
incommodis: non solum laceram, sed etiam ob diuersa
factionum studia in noua bella, ueluti inter saxum &
sacrum constituta, pendentis, ut eam & pacatissimam,
& omnium rerum copia florentissimam redderet, qui-
bus commodis Borussia non modo se uiuo, sed & post
fata eius perfungit, qua etem hodie felicitate gaudet,
Federici prudentiæ acceptum refert, q; ea diligentia se-
minaria procurauit, ut plantulas perpetuæ pacis par-
turirent: quamobrem nō solum suis charus, sed & fini-
timis gratus, hostibus uero formidabilis extitit. At de
his fusius in commentarijs nostris de rebus Borussicis,
Nunc stilum ad historiam Garzonis uertamus, quæ
maiorum tuorum, princeps illustriss. præclara facinora
uiuo & germano simulacro exprimit, quæ auitas uir-
utes depromit, super hæc ciuium amorem in princi-

A 2 pem

4 ERAS. STELLAE LIBONOTHANI EPIST.
pem suum indicat, quin etiam ipsa pacis & belli arte
edocet. Insuper stratagemata pulcherrima oculis subi-
cit, deniq; labores, pericula, exantlationes, quibus pa-
tria tua nunc florentissima, & conseruata, & aucta est,
recenser: quæ cuiq; cognitu, nō poterunt non esse iucun-
dissima: cuocta tamen hucusq; caligine obliuionis, &
Cimmerijs (qd aiunt) tenebris inuoluta, sine honore,
sine gratia iacuerunt, quod idoneum scriptorem non
reperierunt, quo usq; Garzonis nostri literario lumine,
quod unicum præclaris rebus immortalitatis assert, il-
lustrara, & è recessu antiquitatis, ceu è Letheis aquis
asserta: in hominum coronas prodire non erubesceret,
solem, luce m̄q; nihil sormidarent. Verum cum Federi-
cus germanus tuus omnis uirtutis specimen, legē fatali
è uita hac ad meliorem cōcessisset, ne recens hac factu-
ra patrono cum parente orbata, anteq; oculis hominū
obuersatetur, in pristinas tenebras rediret, ac perpetuis
carceribus lege obliuionis damnata manciparetur. Ego
pro mea in domum tuam illustrissimam obseruantia,
& quo animi in te mei studium utcunq; testificarer, has
mihi partes desumpsi, ut foribus patefactis ipsam è
uinculis assererem, anteq; ora hominum in theatris, in
concionibus, in foro, in diatribis sistrem. Qua re, ceu
mihi præsagit animus, domui tuae splendorem, patriæ
ornamentum, ciuib; uoluptatem, literarum studiosis
notitiam & utilitatem me adlaturum auguror. Quod si
aliena

AD ILLVST. GEOR. SAXONIAE DVCEM 5
aliena à nostratisbus s̄pē numero cum delectatione, fi-
mulq; admittatione leguntur, cur ea quæ nostra sunt, &
tam sapiēter, q; prosperiter gesta despiciunda forent:
præsertim cum ea ipsa à Garzone ex fide & diligentia
conscripta sint, eōq; dicendi genere condita, quo nulli
classicorum cedant. Verum cum inuidia gloriæ comes
esse solet, quo tam præclara facinora maiorum tuorum
malignitatis aculeos effugere possint, Te principem il-
lustrissimum ipsis patronum delegi, sub cuius tutela
inuulgenter, non dubito quin tuis auspicijs freti, omniē
loquituleiorū rabiem facile superabunt. Insuper tuam
celitudinem rogo, immo obsecro, ut à rebus seriosis fe-
riatus, ocium tuum illius historiæ lectitationi accom-
modare uelis, inuenies in ea q; plurima quæ tua inter-
esse putantur, & quæ ad usum Reipu. conducibilia de-
prehendes. Quemadmodum enim Demetrius Phale-
ræus, Ptolemaium Aegyptiū monuit, ut libros in qui-
bus iusti regis, & clarissimorū principum gesta scripta
essent, studiose lexitaret, è manibusq; nunc dimitte-
ret, q; in his exempla digna imitatione continerentur.
Quod Alexander cognomento Magnus adeo obser-
uauit, ut Homerī Iliada quā interdiu in manibus uer-
sabat, noctu etiam sub puluinari retineret, sapienti scule
dictans, se eius lectione ueluti sapientissimis consilia-
rijs uti. Sed, ne sus Mineruam doceat, receptui canam,
hoc si adiecero. Natura ita cōparatum esse, ut exempla

A ; progenitorū

IO. GARZONIS BONONIENSIS EPIST.

progenitorum in natos natorum , & qui nascentur ab illis, usq; in omnem posteritatem traduci, ob id imitatu facilia fore. Superuacaneum duxi me Garzonis laudibus intendere, cum ipse suo splendore sic resulgeat, ut id moliens, facibus Soli lumen addere uideret.

IOANNES GAR-
ZON BONONIENSIS, ILLVSTRISSIMO
FEDERICO DVCI SAXONIAE,
THVRINGORVM ET MIS-
SINENSIVM PRIN-
CIPI S. P. D.



Emper meæ cosuetudinis fuit illustrissime Princeps, ut qui omnem operam atq; inge- nium ad uirtutem contulissent, hos ampli- simis laudibus prosequerer. Haud enim scio quid uirtute præstantius in rebus humanis inueni- ti queat: quando qui eam possident, soli sunt diuites: soli struuntur rebus sempiternis: quod si qui urbis præsunt, ea fuerint prædicti atq; ornati. Hos non cum suimis uiris comparo, sed simillimos deo iudico. Plus

AD FEDERICVM DVCEM SAXONIAE.

ter centum anni aguntur, Italiam cum nobilissimæ do- mus tuæ fama peruersit. Nam ut à Federico illo quem dij immortales Saxoniæ præesse uoluerunt, ordiar. Haud scio cui nam principi tam ampli adhibiti sint ho- notes, cum Archimarsallus imperatoris Romani de- lector, gladiç aureati antelator Thuringiæ Lantgra- uis, & Archimandrita Misnæ Margrauius, & Limi- narcha decretus sit. Is etsi in tam alto honorum gradu collocatus esset: nō solum Lipsi literarum gymnasium instituit, sed & alterum Erfordiæ conseruauit. Ex castissima uxore sua duos in lucem suscepit filios Federicum & Vrthelnum. Federicus patri in ducatu successit; qui hereticorum in Bohemia malleus & seuerissimus per- secutor, liberos reliquit Ernestum & Albertum, hi ne- quaquam & ab auo & patre degenerarunt. Siquidem ille paternis muneribus ornatus, Saxoniæ Dux decla- ratus est, simulç Thuringiæ & Misnæ imperauit. Al- bertus uero iussu Maximiliani, quod ex omnibus im- peratoribus ei principatum detulerat, cum exercitu ad- uersus Morinos (qui & Flandri dicti) & Aduaticos (qui hodie Brabantini) profectus est. Quæ egregia facinora fecerit suo loco exponentur. Ernesto quatuor fuerunt filij, qui primum in lucem æditus est, Federico, delata est dignitas paterna. Alius (quem Ernestum uocant) Archiepiscopus Magdeburgensis munere ac Germaniæ patriarchatu decoratus est. Quis silentio prætereat

IO. GARZONIS EPIST. AD FEDE: DV. SAX.
 prætereat Albertū archiepiscopum Maguntinensem,
 cuius quāta sit autoritas, res ipsa ostendit. Illi adiçiam
 Ioannem principem certe omni uirtutum genere pr/
 stantem: Quid loquar de Georgio fratre tuo, quem de
 Latinis literis optime meritum omnes affirmant? Ex
 quo sit, ut in præsenti parentis munus sustineat. Quid
 de Henrico, qui nullam magis egregiam, q̄z ut sub Ma
 ximiliani Cæsaris signis militaret, nauare operam po
 tuit? Hæc quanç̄ ita sint, tu tamen antecedis illustrissi
 me princeps, qui de te grande quiddam pollicetis, non
 enim id (quod à fratribus tuis est factitatum) à studijs
 literarum tuum illud singulare ac diuinum ingenium
 seiungendum putasti. Ille ipse Plato à quo omnis Aca
 demicorum familia emanauit, tum Respublicas bene
 esse arbitratur, si qui eas regant ad literarū studia
 ingenium cōferant. Tantorum principum ac
 tua dignitate, uirtutēq; cōpulsus, Federici
 Magni historiam scripsi, eamq; nomi
 ni tuo dicaui, quā cum legeris re
 liquis Germaniæ principibus
 eius legēdæ copiā facies.

IOANNIS GAR-
 ZONIS BONONIENSIS, RERVM
 SAXONICARVM LIBER
 PRIMVS.



VO tempore Federicus secundus im
 perator Romanus ætatem agebat,
 Vitigitis Saxonum regis: cui ob res
 gestas Magno cognomen fuit, fami
 lia Thuringiæ, Libonotriæ, Misnae,
 simulç̄ Lusatia, quæ regiones sunt
 Germaniæ, imperabat. Consequentibus temporibus
 Albertus atq; Henricus, qui parente orti fuerunt Hen
 rico his terris præfuerunt. Siquidem ille Thuringiam,
 hic Lusatiam cum Misna rexit, ac Libonotriam. Henri
 co nulli fuerunt liberi uirilis sexus. Alberto filij duo, Fe
 dericus & Theodoricus. Forte ita casus tulit, ut Henri
 cus animam prope extremis (ut aiunt) labris teneret:
 Igitur Federicum atq; Theodoricum ad se acciri iubet.
 Apud quos in hanc sententiam locutum accepimus:
 Macte uirtute iuuenes multos annos Misnae, Lusatia, Oratio
 ac Libonotriæ imperauit: & ita imperauit, ut maiorum
 nostrorum nobilitati responderim. Nunç ab illis de
 generauit, nunç genus nostrū dedecoraui. Nam cum
 B hostes

Henrici
ad nepo
tes.

IO ANNIS GARZONIS

hostes bello persequeret, nullus unquam me subiicit,
mor, strenui militis, & boni imperatoris officia semper
simul sum executus. Siquidem si castris locus capiendus
erat, si exercitus instruendus, si urbes expugnandæ,
si cum hostibus collatis signis dimicandum, si uis
frigoris, atq; hyemis excienda, quis hac me elegan-
tius fecit? Quoties cum Vindelis ac Sarmatis (quos no-
stri Bohemos & Polonos uocant) signa contuli, toties
uicti, cæsi sunt, & fugati: ut arma cessarū ad pacem anti-
pum uerti. Quanta tranquillitate, quantōq; ocio usc
sunt regiones nostræ, nequeo uerbis consequi: eas ne-
mo unquam, uel minimo latrocinio uexatas audiuit,
qui se flagitijs contaminarunt, siue infimo, siue nobili
essent genere, in eos est scuere uindicatum, qui ad me
uenerunt legati, & humane accepti sunt & benigne, &
amplissimis muneribus affecti. In hunc modum tem-
& priuatam & publicam conseruauit, atq; auxi. Urbes,
quas quivis urbeculas dixisset, amplissimas reddidi,
subditorum nostrorum salutem cæteris rebus semper
potiorem habui. Sub terraq; fodi inueniendi argenti
gratia, optatis fortuna respondit: omnem operam, in/
genium, studium, uigilantiam, ad eorum, qui imperio
meo seruient, utilitatem contuli. Nunc quoniam mihi
de uita decadendum est, illud uos admonitos uolo, ut
alter alterius studiosus existat. A uobis quod uterq;
apud

RERVM SAXONICARVM. LIB. I.

apud me liberorum suavitatem obtinet, mihi succede-
tur: quare fortem & constantem suscipite animum, diu
mihi cognita est uirtus uestra ac perspecta, nulla spe
decido, quin ñ futuri sitis, quales opto. Prioribus annis
mi Federice ab Vuenceslao Bohemorum rege Impe-
rator aduersus Sarmatas creatus es: quæ in eo bello
egregia facinora feceris, haud mea dilabuntur memo-
ria. Reportasti tu amplissimam de hostibus uicto-
riam. Nec uideo Theodorice, quin mihi de te bene spe-
randum sit, qui in quam frugem euasurus es, maxima
ab adolescentia dedisti documēta. Nam quæ ad stren-
uum militem spectant: ea tu calles, qui ætatem uirtu-
te superasti. Adsit uobis memoria, quod non infimo,
non ignobili, sed regio estis genere: quare regijs sitis
moribus ornati, necesse est. Ego per meas (si quæ sunt)
uirtutes, exempla ædidi: nec est apud me dubium, quin
quæ gessi, ea sit omnium mortalium fama celebratura.
Cum finem dicendi fecisset, qui apud ipsum maximo
erant honore. Libonothani & Misnenses, ad se accer-
siti iussit, atq; ita locutus fertur. Et si uiri optimi, diu re
ipsa cognouerim, qui nunquam fide decesseritis, tamē
quod sum à uobis postulaturus id, ut non modo non
inficiamini, sed facturos spondeatis, uos obtestor & ob-
secro. Non uos fugit hominib⁹ diu uiuere denegari, ex
quo ipsis relinquēdū est aliquid, quo se uixisse testent,

B. 2. plura

Oratio
Henrici
ad Misnet
ses & Libe
nothanos

IO ANNIS GARZONIS

12

plura bella gesli. Exteras gentes, potētissimos populos, clarissimos reges prælio subegi, hostem semper superauui, prostrauicq; nuncq; cessli, nuncq; reserre gradum sum coactus. Quæ homini optanda est, eam sum consumsecutus gloriæ. Senex sum & grauis annis. Expleui naturam uiuendi sacietate. Breui sum uita, decessurus Christum optimum, maximum, Mariamq; cæli reginam, ut mihi in cælum ascensus detur quibus possum, preciobus, obsecro. Quare illud pecto: ut hos, qui me cognatione attingunt, iuuenes ueneremini, obseruetis, colatis. Hi sunt, quibus regni mœi dominatum, principatumq; traditum: eorum studijs pareatis. Ipsos quippe futuros, mihi facile persuadeo, qui imperium non solum conseruaturi sint, sed etiam aucturi. Ut orationi sine inimis imposuit, nemo potuit lachrymas continere. Primum integrum, castum, grauem amissuri essent. Tandem cum mœrorem, luctuimq; deposuissent, respondeant se se eos forc, qui uoluntati suæ, si casu de uita exierunt. Federicus Marchio declaratur, imperium adeptus est: atq; ab omnibus, qui Lusatiorum, Misnensium, & Libonothanorum summum obtinebant gradum, princeps uocatus. Theodoricus uero in imperio socius atq; adiutor dictus, haud multo post Henricus migravit de uita, ac magnis funeraliis impensis ad templum, quo maiores sui clati fuerant, elatus. Negerendo queo oratione cōsequi, quantum laudis in regno bene-

Federicus
Marchio
declaratur.

gerendo, sibi iuuenes uendicauerint: quando in tanta potestate sic se adhibuerint, nulla alia ab his, quibus præerant ciuitatibus desiderata sit potestas. Nam ut incredibilem eorum liberalitatem silentio præteream: nullum uirtutū genus est ab his prætermisum: ut quis de cælo delapsos arbitraretur. Ad eos ex diuersis ciuitatibus Legati gratulatum mittebantur, quos maximis atq; amplissimis muneribus afficiebant. Quæ res illis non mediocre odium apud Albertum patrem, qui Thuringiæ imperabat, cōflauit. Nam ut liberos in tam alto atq; ampio dignitatis gradu collocatos animaduertit, ad eos literas in hæc uerba scriptas perferti iuslit. Quod Misnensium regnum, cui iure præficiendus eram, præoccupaueritis filij, magna me tenet admiratio. Henrico frater eram. Non me præterit, quibus causis adduci, Misnenses huiusmodi sclera machinentur. Haud impune illis erit, quorum consilio, alieno minime abstineri possunt. Diu mihi nota est Misnensium insolentia, qui libertatem reliquis rebus potiorem habent. Ad quam ut mentem erigant atq; extollant, Otto, quæ Endauum esse aiunt, plurimū hortatur, eosq; ad sententiam suam traducere admittitur. Quin illud mihi grauius ferendum est, quod uobis quibus per ætatem, nullus est rerum usus, principatum detulerūt: Accedit quod eos, qui nostræ sunt ditionis, q; amplissimis prosequimini honoribus. Has literas cum princeps qui ue apud ipsos auto-

Literæ Al-
berti ad
filios.

B; ritate

ritate poterant & uoluntate: uiri præstantissimi ac populus Misnensis legissent: non mediocri, quod Albertus tantam temeritatis notam, nulla lacescit inuria subisset, qui in liberos & Misnenses nimis acerbo niteretur odio, sunt admiratione perculsi: Igitur Misnenses, ne tantu animo dolorem capiat, respondent: quando Henrici uoluntati morem gerant: qui cuim animam efflatus esset, Federicum & Theodoricum hæredes instituerit: sese qui illius mandata exequerentur, sacra menti religioni obstrictos: Nec arbitretur eos sux libertatis immemores: ut non malint sub eius principiis, ad cuius summain prudentiam magis magnus usus accedit, existere: quam ab homine, nec prudentia, nec usus exculto, gubernari. Quare si liberis suis principatu de tulissent, nullo dolore afficeretur illos esse, quibus parentum statuissent. At principes, ne parentis odium sibi concitarent: ad eum literas perferti curant, quibus illum docent: nullum in ipsis hærere crimen, nec ulla temeritate lapsos. Hæc dum Fribergæ (quæ urbs Misnæ est argenti, minetisq; opulentissima) geruntur, allatæ sunt ad Albertum literæ: quas cum legiflet, nulla uoluptate affectus est. Igitur legatos ad principes mittit: ut simul, quorum apud Misnenses magna est autoritas, hos conueniant. ad Lipsim urbem, quæ Libonotrix caput existit: ubi de rebus ad regnum pertinentibus, habendum erat consilium, cuncti profiscantur, monentur: ipse

Fribergi.

Lipsum.

ipse confessim aderit. Nomē hæc regio à Libonicis populis uetus: uel à Libanotho principe, qui regioni impervauit, sortitum est: hi populi à Cornelio Eudosij nuncupant. Haud multū interim tempus fuit, cum omnes Lipsim uenerunt. Tandem multis uerbis ultro, citrōq; habitis, ira ab Alberto sustineri nō potuit: quin in principes grauiter inuheretur, ac suam uocaret hæreditatē lege agnitionis, quod Henricus ei frater extitisset. At principes Henricū ea fuisse sentētia, respōdent: ut ei uita functo, ab ipsis succederetur: per iniquū esse, & nō servendum, si Henrici uolūtati deessent. Eandē protulisse sententiā, sunt qui affirmant quendā Henricū Schonbergensem, qd' is Misnēsibus studebat. Vt em Albus iram suppressit. Nō inquit, tibi ex animo excidant, quæ in Vitigitis familiam beneficia contulit populus Misnensis: ea fuerunt, quibus ille in multum potentia etiasit, Thuringiam ditionis suæ fecit. Federicus prim⁹ cum in Italiam exercitum traieceret, ad Mediolanū & Florentiā castra posuit. Nō te fugit, quantā in Misnē sium præsidio gloriā adeptus fuerit: multas Italiam urbes obsedit, quas tandem ui subegit. Statutū est Misnēsibus ac decretū, ut Henrici hæreditatē liberi tui adeat. Abiecisti tu omnē humanitatē, qui filios ob tam singulare beneficium collatū, incredibili odio prosequeris. Qd' si illis bellū indixeris, nec studijs tuis obtēperabunt, nec deerunt, qui tuendos suscipiant, etsi superuacaneū est,

Ira Alberti

Oratio

Henrici

Schonber-

gensis.

quando

quando uterq; ea sit magnitudine animi præditus, qui imperium suum per se tueri possit. Tum Albertus ira percitus, quod fortuna sua despecta esset, Thuringiam se recepit: atq; animo agitare cœpit, sibi ne liberoru^m es Misna pellendorū daretur facultas. Igitur haud tutum ratus, si solus in eos impetum faciat, cum Ioanne principi^e, hic quidem Marchiæ Brandenburgensi præterat, colloquium habuit, hunc ut sibi qui cum liberis bellum suscepturnus esset, praesidio forct: precibus obsecrauit. Nullam esse utbem, quæ illorum sit ditionis, ad cuius mœnia non signa prope inferat. Facile posse eos opprimi, si agros populetur: uicos exurat: at bores succidat: hominum, pecorumq; prædam agat. Quod si cum ex exercitu uim repellere admittentur, se cum magnis copijs, quibus abundauit, præsto suturum. Qui illorum conatus comprimat. Nec uererit quin breui sit eos sub impietate abhorrentium se obijcant, urbesq; & castella ab irruptionibus tueantur: an uoluntate in ditionem proficiscantur, at in summum dolorē adduci: cum quos Henricus hæredes instituit, eos exhæredare admittatur. Nullam rem esse, quæ illi admirationē præbeat, quando se suturos, qui Henrici testamentū re ipsa executuri essent, sacramenti religione obstrinxissent. Ipsi cum ingenio & consilio præstarent, ne quid detrimenti respueret, enixe operam darent, Henricus Eudanus, cui in capiendo cōsilio, summa erat prudentia: & in dicēdo fides. Nullus (inquit) maximi principes uos subeat metus, CHRISTVS optimus, maximus, præstabit auxilium, propulsate patris iniuriam: cui si ob perpetrata scelerā essetis in odio, aequiori animo ferrem. Quis est tam iniustus rerū æstimator, quē tanti dissidiū causa lateat,

Situs terra^r
Misneñ.

Cum prin-
cipe Bran-
denbur-
geñ. fo-
dus init.

Germaniæ, situm paucis exponere: Hæc ad Albim flumen posita est ab ortu Solis haud longe absunt. Vindalii: a meridie, Bohemi: a septentrione, Saxones: ab occasu, Libonotria est: cui fines Sala & Muldaus amnes præscribunt: ultra Salam Thuringi sedes habent. In ea multæ sunt opulentissimæ ciuitates: muritissimæq; castella. Hanc olim Calucones, Danduti Ptolemæo teste inhabitarū. Libonotriam uero Herthane, Eudosii, Varii, atq; Suardones tenuerū, qui postea in uniuersum Serabi

Serabi dicti fuerunt, regio adeo in omni frugum gente fecunda est, ut toti ferè circumiacenti regioni ad abundantiam sufficiat: huic non frumenti modo est magna copia, uerum etiam uini, mellis, pecorisq;. Cum igitur principes parentē cum manu haud quaquam remnenda aduersus se contendere, & fama & literis acrepissent, repente ad Lipsim iter contulerunt: ubi, quos sibi officijs & beniuolentia coiunixerant, principes compulreis ad se euocari iubent, quæ ipsis animo sententia sedet, exprimunt: sese incertos consilij, parenti ne cum expeditis militibus: id quod est filiorū ab omni humilitate abhorrentium se obijcant, urbesq; & castella ab irruptionibus tueantur: an uoluntate in ditionem proficiscantur, at in summum dolorē adduci: cum quos Henricus hæredes instituit, eos exhæredare admittatur. Nullam rem esse, quæ illi admirationē præbeat, quando se suturos, qui Henrici testamentū re ipsa executuri essent, sacramenti religione obstrinxissent. Ipsi cum ingenio & consilio præstarent, ne quid detrimenti respueret, enixe operam darent, Henricus Eudanus, cui in capiendo cōsilio, summa erat prudentia: & in dicēdo fides. Nullus (inquit) maximi principes uos subeat metus, CHRISTVS optimus, maximus, præstabit auxilium, propulsate patris iniuriam: cui si ob perpetrata scelerā essetis in odio, aequiori animo ferrem. Quis est tam iniustus rerū æstimator, quē tanti dissidiū causa lateat,

Delibera-
tio princi-
pum.

Oratio
Eudani ad
principes.

C pace

IO ANNIS GARZONIS

pace uestra dixerim Alberto ex uilissimo scorto, cui Catharina est nomen, natus est filius: illius hortatu ad hunc principatum deferre constituit. Estis principes, & corporis robore, eaqz animi magnitudine, ut patris (si pater dicendus est) impetum excipere possitis: quoties cum cius militibus signa cōtuli, toties cum ipsis prosperam pugnam feci. Ad unum omes cæsi sunt: mihi hanc prouinciam deposito: nec recuso omnem impetum bellum in me conuertere. Dum hæc aguntur, nunciatur est pri
 Branden burgensis. cipibus, Ioannem Brandenburgensem, quem Albertus necessitudine (ut supra diximus) sibi coniunxerat cum copijs in agrum Misniacū iter fecisse: cuncta igni, ferroque absumpsisse: magnam uim hominum, pecuniaqz abigere. Tum Federicus tantam animo concepit iram, ut eius iussu Theodoricus cum exercitu adulciscendas illatas ciuibus iniurias proficeretur. Oppidanū ubi principem cum praesidio profectum cognoverunt, patefacta porta (nam se mœnibus tenebant) subito erumpunt, hostes adorintur, plus sexcentos ceciderunt: reliqui in fugam uersi sunt, quibus omnis præda adempta est. Praecrat exercitui Theodorici Jacobus Schonbergius, rei militaris scientissimus: is nihil commisit, ut eo prælio reprehendi iure posset. Interea nunciatum est Theodoro, hostes non longe ab urbe Luca Lusatiae castra posuisse: quod ipsis ab Alberto (nam copias Mars minuerat) armatorum subsidia

mittenda essent. Verum Theodoricus, si in hostem anteqz numero fieret amplior, impetum faceret, tutius existimans, Jacobum Schonbergium in secretum abducit: Multo inter se, an cum hoste signa conferenda essent, cōsilio egerunt. Tandem in hanc sententiam inclinatum est: ut Legati ad Ioannem Brandenburgium mitterentur, qui causas belli sciscitarentur. Re ita composta, Legati ad Albertum peruenérunt: qui dignitate præstabat, ita locutus fertur. Vehementer admiramur, cur nulla facta belli denunciatione, Misniacos agros, qui Federici principis imperio subiaciuntur, peruestanos duxeris. Tu Henricusqz inter uos pacti estis, ne alter alterius agris, urbibus, castellis, uel minimâ iacturâ afferret. Desciuisti à fide, cuius milites latronum ritu, Federici agros populati sunt, conatiqz eius oppugnare urbcs. Neqz tu ignoras, quo animo, qua fide, qua constantia in maiores uestros Misnenses extiterint: qui de suo erga illos studio & perseverantia, cum difficillima erant tempora, nunqz remiserunt. Tantam iniuriam abs te præter iustitiam nobis illatam, principes nostri ferre nequeunt. Quare satiffacias oportet: Sin in sententia manes, tibi illoru uerbis bellum indicimus. Ioannis. ira infensus: Si, inquit, Misnensibus & Lusatijis, qui & Misnenses sunt, bellum intuli, mirari desinete. Haud ab re in Misniacum agrum à militibus nostris facta est irruptio. Siquidem nonnullas Vindelorum urbes, quæ

Oratio Le
gatorum
Theodo/
rici.

Responsio
Ioannis.

C 2 imperio

IO ANNIS GARZONIS

imperio meo subiectabant, suæ ditionis fecerunt. Quis illud nō iniquo tulerit animo, cum Federico Imperium me minimè cōscio tradiderint? Mihi profecto iure optimo succedendum erat, consulendum illi fuit existimatio meæ, ad eam omnis cura sua conferenda: accedit ipsa, quam mecum iniit pactio. Nunquam se regnum, quoad mihi uita cotingeret, occupaturū. Quare si belli studia mihi deponēda sunt, prouideant ut mihi iactura resarciat. Tum Legati, nō esse Misnensium, respondent: ut quæ secunda pugna parta sunt, ea languore & desidia adducti, reddant. Si Vindelos ui subegerunt, eos tamē imperio suo seruire. Verum Sarmatarum, ac Slesitarū potestate ac ditione liberatos, se summopere: cur eius rei mentionem fecerit: admirari: Federico sub ea conditione regnum tradidisse, ut Alberto præsidio esset. Optimum quenq; principem, si parens in filio alieno esset animo, ad componendam pacem, omnes rationes suas conferre, abhoruisse cum ab hac sententia: qui honestissimos filios, nullaq; uirtute egētes, acerbissimo odio prosequeretur. Fortunam bellī anticipitem esse, sæpenumero robustissimum exercitum parua manu profligatum: nec a quibus bella suscipiantur, ipsos ocio uacare. Interea Theodoricus cum ualidissimo exercitu in agrum Deberlochiū peruenierat: cum ad eum se Legati receperunt: cui cum quod acceperant, responsum reddidissent, ab uniuerso exercitu est ad armā con-

damatum:

RERVM SAXONICARVM LIB. I. 19

damatum, omniū manus ad gladium, lanceāmq; præriebant. Verum Theodoricus, ac Iacobus Schonbergius, cuius consilio & sapientia ad rem militarem utebatur, sese à pugna continuerunt. In sequenti nocte: nam cælum albescebat, cum copijs pfecti. Quinq; milia passuum ab hoste locum castris cooperunt. Tertio post die sub lucis exortu, Theodoricus curare corpora milites iussit, eosq; accersiri. Atq; ut bono animo pugnam capescerent, hortatus est. Non illius uirtutis bellicæ, non militaris disciplinæ, non præteriti temporis famæ, cum sub Henrici signis militabant, memoria abiacerent: se eosdem esse, qui tot amplissimas de hostibus uictorias reportassent, sibi in memoriam redigent. Ipse quantum in se esset, & strenui militis, & optimi Imperatoris officia simul exqueretur. Theodorici oratione militum animi uehementer accensi sunt. Igitur omnes, quadringentis præmissis equitibus, qui hostes ad pugnam allicerent: armati atq; instructi procedunt. Hæc paucitas efficit, ut ipsi, nulla interposita mora, castra egredent, manuq; consereret. Inter congressionem Theodoricum cum expeditis Legionibus adesse, qui Ioannis copijs præerat, ex exploratoribus cognoscit. Tum Theodoricus, quo egregiam fratri nauaret operam, acies instruit, quenq; Militem: cuius uirtutem pluribus præljs didicerat, suo loco disponit. Imperator hostilis, ne circumueniret: metu percussus, gra-

Oratio
militaris.

C 3 dum

IOANNIS GARZONIS

dum retulit. At Theodoricus, cuius animus ad cōserendam manū serebat, eos milites in quibus cōsequendū uictoriae spem cōstituerat, hortat: hostem pēsequantur, q̄ eius animum fugiendi, magisq; pugnandi cogitatio subeat, uix se in castra retulerat. Cum Theodoricus aſſuit, Imperator hostilis, q̄ animum receperat, copias in aciem eduxit. Diu pugnatū est equo Marte. Tandem intra castra cōpulsus est Iacob⁹, ut hostem prælio proſugum, se in castra retulisse animaduertit. Haud cunctemur, inquit, Theodorice: uictoriā nobis fortuna protendit. Stationes oppugnemus: nimirū expugnabimus, q̄ peditū multitudine abundam⁹: & ab equituſtu ſirmi ſumus. Vix finem dicendi fecerat, cum Theodoricus quinq; equitū miliū manu, ac pati ferè numero peditum comitatus hostiū caſtra ingressus eſt: ad quæ qui custodiā habebant, illi occurruunt. Sed cum uis uiſtrenici nō poſſet, necati ſunt: hostiū ſupra tria milia occiſa: ſupra ſeptē milia capta: cæteri ſaluti ſuæ fuga conſuauerunt. Theodoricus ne de militib⁹ ſuis male mereret, caſtra iſpis diripienda concesſit. Verū tam memorabilis uictoria latus, ad Federicū nuncium cum literis mittit: quib⁹ illum docet, hostilem exercitū à ſe ſuperatū, proſtratumq; Federicus nō mediocri exiliuit gaudio. Erat ea tēpeſtate Picaſtri, qua urbs ad Elijstrā amnem ſuata eſt. Siquidē paucis ante diebus cum maximis copijs eo contenterat, qd' Alberto Imperatotि ſuo ſupperias laturo

RERVM SAXONICARVM LIB. I. 20

laturo illuc diuertēdum erat. Is quanta laude Theodoricum proſecutus fuerit, nequeo oratione complecti: ilium ſemper extitifle, in quo ſpem omnē, fidemq; locaſet: nec ſua cum ſefelliflet opinio: Nec uereri iſum, ſi ætate procederet Q. Maximo, ſapiētia: Superiori Africano, celeritate: ei qui poſtea fuit singulari consilio Paulo, ratione ac disciplina: C. Mario, uirtute præſtaturū. Interea equites duo: qui cum prælium in mala ſpe eſſe cognouiffent, ſeſe ſuga proripuerant: Ad Ioannē Marchionē uenerunt, nunciantes exercitum uictum, cæſum eſſe & fugatū. Eos, Imperator ne ex prælio, cum aduerſam fortunam uideret, profugerit, an cæde cæſus fuerit, latere. Igitur ne tantam cladem acceptam inultam relinqueret, maximum ex equitatu ac peditatu coēgit exercitum: atq; in Lusatios peruenit. In ea regione urbs eſt, quā incolæ Lucam uocant, eius mētionē fecimus. Cum agrum populatus eſſet, & prædas hominū, pecorumq; egiffet, caſtra ante portā locauit, diu eam obſedit. Sed cū in potestate ſuam minime poſſet redigere, q̄ iſam Federicus firmiſſimiſ præſidijs munierat. Situs præterea inexpugnabilem faciebat, exercitum abduxit: atq; ad oppidum Haganum, quod id Theodorici imperio ſubijciebatur, oppugnandum peruenit: iſum nocte & interdiu tormentis uerberabat. Ut uidit id fruſtra inceptum eſſe, robustiſſimos milites, ac rei militaris ſciențiſſimos, ad ſe acciri iubet: hiſ magnam uim argenti, au-

C 4 rīq; si

IO ANNIS GARZONIS

riq; si noctis silentio in murum euaserint: s^eq; præcipi-
ti saltu in oppidum immiserint: ac necatis custodibus,
portam aperuerint, pollicetur. Ipse cum expeditis mili-
tibus confestim assuturum, atq; intraturum, illi impe-
rata faciunt. Intempesta nox erat, cum armati muros
scandunt: ac func, id quod tutissimum uisum est, de ipsis
decimso, per eum in oppidum descendunt. Qui custo-
dibus præcerat, Caspar Malticius adesse hostes cognovit:
eos admonet, ne uocem emittant, quo ad unum
omnes suppicio mortis afficerent: Ipsi retrosum, ne in-
spiciantur, se recipiant. Cum clamore sublato signum
dederit: eductis gladiis in eos impetum faciant: cogan-
tur omnes uita decedere, ne ab his imposterū, aut uis,
aut fraus timeri possit. Dum securibus freti, portam
effringere moluntur, Caspar uoce signum reddidit. Ac-
currunt custodes: prælium conseritur: haud quaquam
par hostibus dimicatio fuit: quod cuncti occidione co-
cisi sunt. Ad portam extra urbem erat Ioannes cum
commilitonibus suis equo, armisq; instructus, atq; or-
natus. Vbi illuxit, oppidani, qui ne in eoru^m præsidium
uenerant milites, porta effusi in hostes impetu faciunt.
Alios trucidant: alios in fugam uertunt: alios capiunt.
Sunt qui Ioannem captum scribant, sed cognitum in
pristinam libertatem restitutum. Tantæ stragis hosti-
bus illatae, Caspar Federicum, atq; Theodoricum par-
ticipes efficit. Federicus paucis equitibus a iumpūs. q;
reliquas

RERVM SAXONICARVM LIB. I.

21

reliquas copias ad Elistru^m reliquerat: ad Misnam ur-
bem contendit, quo Theodorico (si ita casus tulisset)
præsidio esset. Dum hæc geruntur, non mediocri Ioan-
nes, quod ad eum exitum, quem sibi proposuerat, per-
uenire non poterat, ira exardebat: deos, qd' rerum sua-
rum curam posthaberet, incusans. Itaq; literas ad prin-
cipem Eberhardū, qui Cheruscis & Ascaniæ præcerat,
in hanc sententiam scripsisse fertur. Quanta beniu-
lentia, quantisq; officijs, patrem tuum maiores nostri
eo bello, quod prioribus annis cum crudelissimis hosti-
bus gessit, complexi fuerint: res ipsa docuit. Illorū præ-
sidio superior discessit. Ad complures Germaniæ prin-
cipes: neq; tu id ignoras: ab eo Legati missi sunt, præ-
sidij implorandi gratia: cuncti se esse responderūt, qui
cogitationes suas alio contulissent: nequaq; eis obesse,
à quibus nulla unq; fuissent iniuria lacestati. At maio-
res nostri regnum uestrum tibi defendendum suscep-
runt: pluris patre tuum, q; aliorum principum iniurias
existimantes. Noli per deos immortales, ingratitudinis
notam subire. Quo in statu res Alberti sit, te satis su-
perq; intellexisse puto. Superiori anno cum Misnensi-
bus signa contuli. Fortuna improba, ut succumberem,
effecit: cuius res superior esse consueverat, ipse prælium
aduersus hostes nullum secundum facio. Tanto in me
fortuna exarsit odio. Quare si quid precibus apud te
possum Alberti, egenti atque inopi auxilium præsta.

Literæ
Ioannis
ad Eber-
hardum.

C 5 Tecum

IOANNIS GARZONIS

Tecum precibus fraternis ago. Contendamus cum Legionibus expeditis in Misnenses, binisq; consideramus castris. Haud uereor quin eos breui subacturi simus, atq; ad deditio[n]em compulsi. Eberhardus tum misericordia commotus, tum ne beneficiorū memoriam abiecisse uideretur, adductus, Albertum auxilio suo iuvandum statuit. Igitur exercitu ex quatuor milibus hominū congregato, in Misnensem agrum profectus: Ilburgum, primum ad Ilburgum, sic illi nomen est, quod Ilba comes extruxit, castra posuit. Duorum itinerum altero ad castrum illi ueniendum erat: Aut terrestri, quod ab amnis. Muldaus amne Muldauo non longe aberat: Aut per Albim flumen nauigandum: hoc ei tutius uisum est, quod terrestre iter permultis insanis substructionibus eorum, qui Federici parebant imperio, erat refertum. Igitur nauia ad urbem Vitigisburgium primis se intendentibus tenebris peruenit. Ei praeerat quidam Bernardus agnatus Eberhardi. Adhunc, ut sibi tutum præbeat transitum, oratum mitrit. Bernardus & metu territus: & ne Federici odium sibi cœcitatet, se illum ut illucelcer uoti compotem suturum respondit. Interim ad Federicum, quem ad Misnam iter fecisse non ignorabat, nunc cum literis mittit. His Eberhardum cum ualido exercitu ad Vitigisburgium uenisse admonet. Ut sibi tutum præbeat transitum, postulasse, illum quantum ferroq;

RERVM SAXONICARVM LIB. II. 22

ferroq; absumenturum, atq; pecorū, hominumq; prædam acturū. Ipse rebus suis cōsulat, se uereri, ne agnati Eberhardi studijs, quod hominum multitudine abundant, obsequi cogatur. Ipsum Ilba castrum primum in potestatem suam redacturum. Has literas cum Federi tus accurate legisset: suspicione, ne Eberhardus oppido potiretur, adductus cum copijs atq; oppidanis ad Albin, quo illi occurseret, præuenit. Insuper Henricum Eudanum, qui sub suis signis, cum plurimis cohortibus militiam militabant, ad Muldauum, ut omnes eius ac colas, qui partim Plisnenses, partim Serabi, partim Prætoriani nuncupabantur. Sumptis armis, ad Ilba castrum deduceret: ubi & ipse cum Legionibus expeditis adesse pollicitus est. Primum illi ad castrum quoddam, quod Incolæ Dorganum, olim à Dorgeberto Satrapa conditum, nominant, per Albim iter fuit: ut cognouit Eberhardi agris diripiendis, uastandisq; intendere: ad Henricum, ut relicto ad oppidum præsidio, cum cætro equitatu ad se accederet, literas perferri iussit. Norvidum ille appulerat, cum Federicus haud procul ab hostium castris, castra habuit: haud pugnam, qd' milites de uia fessi erant, ædere statuit. Veruntamen ut omnes armati, instructiç; essent: quando collatis signis cum hoste dimicandum statuisset. In sequenti die per præconem edixit: Ipsi, cum tuba signum daretur, procedent: Cuncti Federici obtemperarunt uoluntati. Verum

C & se nocte

Mulda u
accolæ.

IOANNIS GARZONIS

se nocte in diem inclinante, hostes; quorum artus lenis
somnus corriperet, adoriret. Diu consilium agitans, tam
dem congresu abstinuit, tum ob militū paucitatem, tum
quod graui itineris labore confecti erant. Erant in ca-
stris eius centuriones, & animo & corpore præstantes;
qui cum ad conserendam cum hostibus manum, obla-
tam sibi occasionem intuerentur: Tela uibrabant. Mi-
litum insuper animi ad pugnam incendebantur. Igitur
centurionum iussu, tubicen pugnæ signum dedit. Sub-
lato clamore, ad hostium castra cotendunt: telaq; con-
jciunt: quibus stationū cura, custodiaq; mandata erat.
Confestim hostes adesse Eberhardo denunciant: cui
cum castra egrediēdi nulla esset potestas, ad ea tuenda
animum uertit. At Federicus milites, ne animū contra-
hant, demittantue hortat: qd' magnus hosteis metus
incecerit. Verū Eberhardus se acri defenderat animo,
atq; hostem omib; viribus repellere conabat: utrinq;
acriter prælio cōcurrebat: cum puluis ex loco haud di-
stanti ortus, uelut nube inducta, implebat omnia. Fe-
dericus Henricum aduentasse existimans, haud fallax
uates fuit. Bene(inquit) res se habet. Nunc optima spe
prædictus sum. Haud nox aduentabit: cum hostilibus
potiar castris. Nolite commilitones mei animis defi-
cere. Quisque non modo sibi, sed alijs quoque animum
afferat. Exuite hominem castris, præda in uestra manu
est. Abstineo ipsa, nec me impediam. Hac oratione
militum

Oratio
Federici.

militum, animi uehemeter accensi sunt. Erat in exercitu
Federici Henricus Stella Lipsensis: hic quod facinus
memoratu dignum efficere studebat, primus hostium
castra ingressus est. Hunc ingens militum multitudo
est subsecuta: hostium plus quatuor milia cæsa sunt:
quinq; milia capta: milites ad diripienda castra passim
discurrent. Capti sunt Eberhardus, ac Remigius Ero-
tius, deductiq; ad Federicum. Conserto prælio Henri-
cus affuit. Tum Federicus subridens: Si(inquit) Henri-
ce affuisse, ingentem prædam fecisses. Sed ne noui mo-
tus aduersus ipsum excitarene, militem triduum in ca-
stris continuuit: ut nihil esse animaduertit, quo in suspi-
cionem incideret. Iussit copias in hiberna pfiscisci. Ipse
cum paucis equitibus ad urbem Fribergum iter contu-
lit. Vt Ioannes Brandenburgensis Eberhardi copias
prosligatas, ipsumq; unā cum pluribus nobilibus ca-
ptum ex nuncijs cognouit, non mediocris cum terror
inuasit. Non enim ipsius opes ac diuitiæ adeo insignes
erant, ut illius redimendi sibi esset facultas. Insuper po-
pulus Cherustus, qui nunc Astamus dicitur, odium
diuturnū, & iam inueteratum in ipsum habebat. Quo
factum est, ut urbem obsidione soluendam duxerit
animuimq; ad pacem cum Federico & Misnēsibus com-
ponendam uerterit. Verū quoniā meliori se cōditione
animaduertit, solutionem simulauit. Siquidem nobili-
bus quibusdam, ut nocte in proxima uilla, quo à Mi-
nensibus

Eberhar-
dus capt⁹.

IO ANNIS GARZONIS

nensibus prehenderentur, se occultarent, edixit. Edixit
præterea, ut expeditoru militum duo milia, haud pro-
cul à paludibus: quo Misnenses, si ad prælium facien-
dum egredierentur, aut comprehendenterent, aut de me-
dio tollerent: in locis abditis delitescerent. Ipse in se-
quenti die, luce prima ab urbe castra mouere uisus est.
Misnenses, quibus urbs tuenda data erat, non parva,
quod subita obsidione liberati essent, admiratione im-
buti, ne quacq; urbem, ne per dolum caperetur, egredi
audebant: ut illuxit, ex muris solitudinē in castris pro-
spectant. Qui diligenter speculetur, speculatorem pre-
mittunt. Quo se Ioannes contulerit, quid ei sit negoti:
quos in consilium adhibeat, conquerat. Speculatori
primum ad loca, ubi milites Ioannis iussu in insidijs
subsidebant, iter fuit: illis obequitat. Incertus, an totus
exercitus illic insideat. Ut retro in urbem redit: Quæ
inspicerat, refert. repente Theodoricus, quod dā sortis
extremæ iuuenes, qui castris ignem iniiciant, profici&
iubet. Reliquum exercitum bipartitus est, quod alte-
ram partem non longe à militibus, quos Ioannes in oc-
culto locauerat, iussit considere: quo in explorato ex-
euntes occideret. Alteram, quæ illi subsidio esset, atq;
adiumento, nō multum seiunxit. Ipse magna armato-
rum stipatus caterua, proximum clivum conscendit:
quo res euasura esset, prospectaturus. Cum castra flam-

RERVM SAXONICARVM LIB. I. 24

mis conflagrarent, cò se retulisse hostes Ioannes arbi-
tratus est: qui dum spolia colligunt, eos facile, si quos in
insidias collocauerat milites, ad itinera insidenda mit-
terentur, capi posse existimauit. Igitur militibus, qui
apud ipsum erant, ut arma expedirent, iussis, eò se rece-
pit. Hæc Theodoricus ex cliuo prospectans: ut Legio-
nes duæ, quæ Ioanni occurrant, per conuallem profici-
scantur, edicit. Cum his uero qui castra incenderant, ut
cofestim in urbem redeant, per nuncium agit, monetq;
quo illis, ne in hostes, quos Ioannes subsidiarios uoca-
bat, in antrum reconditos incident, utendum sit itine-
re: quod si antro se continebunt neminem, quantum in
eis fuerit, egredi patientur. Rebus ita compositis cum
reliquo exercitu ad itinera insidendo, quo Ioannis Le-
giones ducendæ erant, profectus est. Cum non multo
post Ioannes eò cum copijs aduentasset, ob equorum
hinnitum, armorumque fremitum insidias ac dolum
formidans, retro uertit iter. Ex templo qui per conual-
lem iter fecerant milites, sese illi obiiciunt: nec certami-
nis ullam quidem moram faciunt. Theodoricus, quas
silentio continuerat Legiones, in aciem eduxit. Diu
congressi sunt, uerum Ioanni haud æqua dimicatio
fuit. Ex prælio profugientem, pauci subsecuti sunt
equites, peditesque suorum: occiderunt ea pugna duo
milia, duo capta: haud procul fuit, cum à peditib⁹ duo-
bus ex equo proltratus est: Nulla alia causa euasit, q̄
quod

IOANNIS GARZONIS

quod eos, ut pietatis, clementiae, humanitatis partes suscipierent, precibus fatigauit. Principio noctis Lucam se retulit, iussitque ad Federicum literas perferriri: quibus de prospera pugna a se facta certiorem fecit. Is cum eas legisset, incredibili exiliens gaudio: Abi, inquit, qui literas detulisti: ac nuncia Theodorico, quae ab eo acta sunt, mihi grata extitisse: sed illa multo fore gratiiora, si ad eas urbes, quae Ioannis subiiciuntur imperio, exercitum admoueat, coneturque eas in potestate suam redigere. Insuper agros ferro, igneque peruanster: quos obuios habuerit hostes, ad unum necandos curet, quibus potetur, urbes & diripiatur, & incendio absumat. Inter cetera ad Francordiam castra ponat, ipse paucis post diebus, qui illi suppetias feram, cum manu minime contemnenda adero. Theodoricus, quo in Federici uoluntate cederet, ac ualidissimo in urbe relicto praesidio cum reliquo exercitu, ad Francordiam contendit, ipsum diu obsedit, ut uidit expugnationi difficile: Nam in eo dies prope triginta absumperat, ad uastando agros omniuit cura intentus. Ex quo tantus Ioanni pauor iniectus est, ut Theodoricu ex discordia ualde acerba, atque diuturna in gratia reducere instituerit. Igitur qui inducias peteret, oratorem ad Theodoricum misit. Is non esse in sua potestate eas dare respondit, ad Federicum iter faceret. Quicquid ab eo institueretur sese ratum habiarum. Accessit orator Theodotici sententiæ: ut enim legationem

RERVM SAXONICARVM LIB. I.

gationem exposuit, inducias sibi dare petet. Federicus in oratorem oculos coniiciens: Quoniam (inquit) non semel, sed saepius uicti & fugati estis: exercitus uestri occidione occisi: agri peruansti: urbes obsidione cinctæ, ad petendas inducias uenistis. Nulla uos iniuria lacescitur: mihi bellum indixistis, antequam in Misnensem agrum a uobis disruptiones fierent, haec erant agenda consilio: nunquam uobis fortuna affulsit, quoties nobiscum signa contulisti, toties uicti, perculsi, ac maiori parte exercitus amissa, cōsternati, profugisti: ut mihi, fratrique meo imperium extorqueretis, nullum discrimini genus uobis defugiendum putasti. At ne clementia uidear abiecisse memoriam, duorum mensium inducias impetratis uolumus. Oratore dimisso de inducijs Ioanni datis, Theodoricum certiorem facit: ac Iacobum Schonbergium, ut in castris militem contineat, quod ei ad Haganum urbem proficisciendum sit, per literas admonet. Is locus erat, quo nobiles permulti, & Ioannis, & principes ipsi conuenturi erant: cum principes, quod suum de bello consilium foret, exposuissent: Ioannes Eberhardi, quem captum ostendimus (erat is quidem insolens atque arrogans) mentione habuit, indignum esse: ut tantus princeps in carcerem sordidum coniiceretur, quod inter captiuos facienda esset distinctio. Tum Cotardus quidam Libanothanus, huic Eudano erat agnomen: ita concionatus est. Existimabam teo

Oratio
Federici.

Oratio
Eudani.

RERVM SAXONICARVM LIB. I.

uestra constitutam necessitudinem longe ante^c vos
nati essetis. Non referam quæ mihi beneficia contulit:
quæ si memoria deleuissem, quiuis me crudelitate præ-
ditum, serum, asperum, inhumanum extimasset. Non-
dum sua in me merita sum assecutus. Suscipe per
deos immortales excusationē meam. Quid loquar de
Eberhardo principe, qui ut parentis uestri saluti, digni-
tatiq^z subueniret, à uobis prælio fractus est? Is clausus
in tenebris, cum mœrore & luctu, morte grauiorem
uitam agit. Eum obsecro tam aspero carcere emitten-
dum curate. Plura dicere parantem, haud sustine-
runt principes. Tum inter eos pax confecta est, ea in
has conditiones conuenit. Omnis discordia è memoria
excederet. Imposterum se mutuis prosequerentur offi-
cijs. Eberhardus sub ea conditione, ut auri pondo sex-
decim soluerent, pristinæ libertati restitueret, Ioannes
filiam Federico in matrimonium traderet. Extractum
est hoc bellum in annos duos, menses nouem.

IOANNIS GARZONIS

te o Ioannes huc contendisse, qui conditiones pāds
tanquam à uictoribus acciperes: At quantum con-
iectura possum assequi in hanc urbem profectus es,
qui uictoribus eas dares: An principes nostros tan-
tam temeritatis notam subisse arbitraris: ut captiuos
tibi reddendos curent? Nihil à te prætermissum est,
quo principum nostrorum posses imperium euertere,
si durius aliquid accidisset, omnem in ipsos crudelitatē
adhibuisses. optatis tuis fortuna minime respondit.
Quas clades acceperis, animo agita. Hac oratione Io/
annes uehementer commotus est: omnisq^z insolentia
ei ex animo excidit. Igitur in hanc sententiam respon-
sum reddidit. Quod me non solum prælio fuderitis,
sed castris quoq^z exueritis, nulla me capit admiratio-
cum sint incerti bellorum exitus. Si me prælio inferio-
rem discessurum autumassem, nunquam manum con-
seruisse. Nec uos à me dissentietis, quibus si fortuna
aduersa fuisset, eandem subissetis calamitatē. Illud præ-
dico, illud denuncio, ne maximæ cuic^z fortunæ creda-
tur. Cui quondam fortuna aspirauit, cogor pacem pe-
tere, quas mihi cōditiones subeundas statueritis, haud
recusauerim, modo ab humanitate lapsus, ipse misericordia addu-
ctus: quod parens uester sese regno à uobis spoliatum
asserebat: hunc impetum belli in me conuerti, ut ei sub/
sidio essem: non postulabat, sed flagitabat: cum domo
uestra

Responsio
Ioannis.

IOANNIS GARZONIS BONONIENSIS,
RERVM SAXONICARVM
LIBRI PRIMI
FINIS.

IOANNIS GAR[✓]
ZONIS BONONIENSIS, RERVM
SAXONICARVM LIBER
SECUNDVS.



INTEREA Albertus, cum quod antea tentauerat, id parum procederet: incertus consilijs, utrum omnē curam suam ad componendum cum liberis pacem conferret: an bellum instauraret, sese in Thuringia continebat. Ita cū propositum illis ex sententia cesserat: ut nonnunq; rebus suis diffideret, ac desperaret: tandem eos iterum bello persequēdos statuit. Vt igitur regionem Lusatiorum, Misnensium, & Libanothanorū, cui Federicus, Theodoricusq; imperabant, ditionis suæ ficeret, Adulphum Nassauum, cui per id tempus delatum erat Romanū imperium, conuenit: huic reliquæ urbes, castella, agricq;, quibus liberi imperabant, ab eo uenierunt: ut quorum potestas late patebat (Siquidem magnam Germaniæ partem complectebatur) hi in paupertatem inciderēt, misericq; redderent, uerum Adulphus cum emisset ære alieno, in multum potentiaē euasit: ut ne deos quidem iratos sibi timendos duceret. Haud præterea parua elatus erat lætitia, quod in Bohemos, quibus cum bellum suscipere

suscipere statuerat, facilis patebat aditus: paucis post diebus Albertus sese pattiæ reddidit. Tum ipsum qui fieri posset: ut quem ex impudico scorto in lucem suscepereat, filio (huic Ludouico nomē erat) Thuringia hæreditate obueniret, cogitatio subiit. Et si res ipsa admodum difficilis esset, nec mediocri egens consilio: eos tamen, qui inter cæteros insignes erant, sibi conciliabat. Id optimum factu existimans, qui annos pubertatis egressi erant, nobiles ad se alliciebat: hortabaturq; ut ad rem militarem incumberent: qui ea præstitissent, cæterosq; antecellerent, hos maximis muneribus se prosecuturū: non solum recipiebat, uerum etiam ultro pollicebatur. Complures in auratorum equitum numerū adscripsit: & eos potissimum, qui nobili erant generē. Forte ita casus tulit, ut ludos militares ex industria pararet: qui excellerent, hi amplissimis muneribus afficerentur. Per multi cōuenerunt, tum spectaculi, tum dimicationis gratia. Fama est alios lusisse hastis, alios gladijs, alios lapidib⁹, alios palæstra. Vt ludis finis impositus est, ex omni multitudine sexaginta ad se acciri iubet iuuenes: qui quoniam longe ante alios egregie dimicauerant: ab eo balteis aureis, gladijs militaribus, calcaribus aureis, castellis, agris donati sunt, princeps (cum amplissimis ybis iuuenes gratias egissent) huiuscemodi orationem habuit. Egregia uirtus uestra, quā hodierna die præ uos tulistis præstantissimi iuuenes, esse

D cit, ut

cit, ut maxima sim uobis beneuolētia obstrictus. Quā à me accepistis munera: & si debilia sunt, atq; exigua, ea quālo bono, iucundōq; animo accipiatis: in postērum maiora, ampliorāq; accepturi estis: Optima reūmilitaris iecistis fundamenta: in ea per deos immortales incubite, hæc est, qua fortissimi uiri cælestium numerum auxerunt. In hunc maxime modum, nomē uestri immortalitati commēdabitis. Nec quicq; est ex omnibus rebus humanis præclarius aut præstantius, quām uos ea præditos esse uirtute, qua à patria hostium impetum possitis propulsare. Illius amplitudinem non solum conseruare deberis, sed etiam augere. Semper uerum decus in ea uirtute posui, quæ patriæ salutaris es: eam uos facultatē habituri estis: Quare pergit iter cecepistis: Quantum in me fuerit, nec consilio, nec uoluntate uobis deero. Plura in hanc sententiam dicrem, ni uos eos, quales opto, futuros considerem. Hac eò referuntur: ut Ludouicū institueret hæredem: Atiuenes quod uitium robore florebant: tantam principis liberalitatem non admirari non potuerunt. Quisq; se cum futurum pollicebatur, qui, ut in uirum uirtute præditū euaderet, ne ullum quidem laborem defugiturus esset. Qui uero graui premebantur senecta (nō enim ad quē exitū res ipsa peruentura esset, eos latebat) his huiuscmodi spectacula dolore, mœrore inq; afferebant. Hac dum agebantur, Adulphus Philippum Nassam (erat hic quidē illi patruus) cum Legionibus expeditis Sueuorum

uorum, in agrū Libanothanū proficiisci iubet: monetq; ut cuncta igni, ferrōq; absumat: ciuitates oppugnet: principes submoueat: atq; omnē regionē in potestatē suam redigat. Philippus ut hæc Adulphi uoluntati cōcedat per Thuringiam ad Cziticā urbem (olim Czitto conditam) uenit inde perpopulato agro, tugurijscq; & uillis ac templis igni crematis, ad Bornium cōtendit: ibi dies aliquot statua habuit, ad Elistru reuertit. Tandem nō longe à Picastro, ubi nōnulli Federici copiæ hiberna Picastrū. uerant, cū exercitu cōsedidit. Hac posteaq; Federico nunciata sunt, cōfestim Lipsim cū exercitu iter fecit: Theodoricūq; ut reliq; copias ad Picastrū admoueret, monuit, q; eo pfecturus esset. Theodoricus enixe imperata fecit. Haugutius, qui ad Picastrū custodiam habebat Imperator: tantū ei hostilis exercitus terrorē iniecerat, q; nec egredi audebat, nec militē in aciem educere. Igī qui exercitū hostiū lustret, cōplete turq; silentio noctis emitit: castra ubi sunt locata cōquirat. Egrediētē haud parua cepit admiratio, q; agro pcrustato, nō nisi solitudo esset. Nec à suspitione absuit, quin hostes locū insideret: ex q; imperu in ipsum facto prahendere. Casu uillicū habuit obuiū, ex quo intelligit exercitū ingenti præda hominū, pecorūq; acta, ad Aldenburgiū urbē contendisse, nec procul ab Elistro amne statua habere, Aldenburgū Cauritani à Choris uel Caupertis Ptolemæo dictis incolūt, nulli⁹ principis p̄tate subiectū opulentū quide tum suis opibus, tum agrorū fertilitate oppidū.

D ⁊ Senatores

Verba
Philippi.

senatores urbis, ut in curiam prosciscendum est. E sedis uchuntur. Matronis in solenni pompa, non nisi stratis per viam tapetibus ad templum est iter. Incolarum voluntatem, ut inde frumentum atq; omne genus com meatus portaret, conatus est Philippus ad se allicere. Non longe ab urbe collis est, in eo sita est arx firmissi mis munita præsidij. Hugo eius præfetus, qui partes Federici fouit, ut ex nuncijs cognovit Philippum pro hoc esse esse habendum: repente in urbis & castellis, quæ ad Plissinam amnem suæ suberant ditioni, expeditos milites cum fundis & iaculis, & alio genere armaturæ imposuit. Bornium urbem, quæ non multo ab Alden burgio distat interuallo, magna ui, magnōq; telorum præsidio muniendam duxit. Postero die ad Philippū Legatos misit, quibus causis ipse adductus ad alienas terras peruastandas, uim suam expressisset, nulla bellī denunciatione facta, sciscituros. Philippus ne quaç iram suppressit. Non modo non Legatorum uerba au tribus admouit, sed capi etiam eos iussit, ac torqueri, ue cariq;. Ex Legatis quendam, quod magno ei iussus erat ingenio, summāq; industria, huic Hermanno Kaynuto nomen fuit, ad se deducendum curauit, cumq; in secre tum abduxit. Tum ita locutus est: Quod Federicus de parente male inreatur, non te fugit, qui tres prope annos pluribus cum prælijs opprescerit. Federico nihil est curæ, ut patrem paruis opibus ac facultatibus reddat præditum.

præditum. Quis hanc offensionem pertulerit, quis tol erauerit? Quare nullam magis egregiam, si aut homini perduto & nefario potionem, qua expota decebat, deris, nauate operam poteris, aut mihi uiuum tradideris. Neq; ego ingratitudinis notam subibo, quin maximis officijs tua ista beneficia remunerabo. Tum Hermannus prius inquit, de uita decedam, q; à me fides soluat. Magnum Suevis dedecus inuris, qui cum collatis signis patentí campo dimicare insueritis, ad uenenum, id quod est hominis infimo loco nati, ac nullo splendore uitæ, nullaq; commēdatione famæ defensi, declinastis. Quod si aliqua polleres uirilitate, non ueneno, sed gladio, aut telo Federicū appeteres. Qui ueneno honorem petunt: hos ad Aquilius & Vitellios recidisse dixerim: Libonothanus sum, cuius consuetudinis est cum hoste manum conserere. In posterum de ueneno infundendo, ne uerbum quidem feceris: educito gladium, te in Federicum conferto. Cognosces uiri fortitudinem, fortem mihi crede, & constantem suscipe animū, haud quanto te scelere inquinaueris, intelligis: qui ius legationis nō solum uerbis, sed re ipsa uiolasti. Nec Federicus Legatos omni supplicio interfectos, multos relinquet. Romani Corinthum totius Græciæ lumen, quod eorū Legati superbius appellati erant, extinctum esse uoluerunt: ne tibi quidem impune cedet. ipsi dij scelerum uindics de te exquisitissimum sument

D 3 supplicū.

Verba
Hermannit

supplicium. Quod uero, ni uoluntati tuae paruerim, te
capite meo potiturum, affirmas. Sequar Hannibalem
Carthaginem, cui à Nerone ferro uita eripienda
esset. Vtere inquit Marte tuo, Hannibal sum, nullo ter-
reor leto. Philippus tantam animo concepit iram, ut
ipsum in uincula coniendum duxerit. Interim qui
fuga euaserint Legati, ad Federicum ueniunt: nuncian-
tes Hermannum à Philippo captum: Ille tanti uiri ca-
sum nō dolere non potuit: Quem ut vindicaret, omni-
bus statuit uiribus Philippum cōcidere. Hæc institu-
ti, nunciatum est Philippum cum copiis in agrum Bot-
anianum peruenisse, uastasse, atq; nō longe ab urbe con-
sedisse. Ex quo ad Bornium, ut cum Philippo congre-
deretur, exercitum admouit. Duum miliū spacio à
Philippi castris aberat, cum urbis primates ad se acciri
iubet: quæ profectionis suæ subsit causa exponit, se con-
silio agitasse, qui cum hoste sit prælio congregellurus.
Quare cum non minus de ipsoru, quam de sua agatur
salute, ad pugnæ præsidium ei robustissimos milites,
quibus abundant, conferrent: corroborato exercitu, in-
ter urbem & Philippi stationes consedit. Duorum die-
rum quietem sumpsit: cum milites ut arma expediant,
iubet. Qui leuis armaturæ erant milites, ut hostium ca-
stris obequitent: eosq; ad pugnam alliant, præmittit.
Ipse cum reliquo exercitu ipsoru tergis insistebat. Vix
demandatum sibi munus obierant: cum qui ad castra
custodiam

custodiam agebant: quanta maxima possunt, uoce in-
clamat adesse hostes, qui cæteris ætate anteibant.
Sueus quidam subsistite, inquit, Libanothani, si uiri
estis, nunc operas uiris dignas ædite: nunc in acie state,
ne Sueus, an Sueus Libanothan⁹ in re militari præ-
stent. Sit nunc periculum, utrorumq; uirtus enitebit.
Hæc ubi dicta dedit, ipse unā cum cæteris custodibus
in equum assilijt, atq; in hostes se cofert: nec illi pedem
referunt, quin subditis equis calcaribus, se in medios
hostes mittunt, & memorabilem ædunt pugnam. In-
tere a Federicus hostium castris appropinquauit, qui
manum conserebant, ne interciperentur: suspitione ad-
ducti, gradum referunt: permulti ferro uitam amittunt.
Cum Philippus ubi Federicū in acie stantem copertū
habuit, edixit: ut milites parati, instructiç in hostes im-
petum facerent. At Federicus ut illorū impetu sui exci-
piunt, cōmonet: diu cōtractū erat certame, cum Philip-
pus militē, ne animū cōtrahat, dimittatq; hortat, eum
uictoria potituru. Verū Federicus, q; hostiū plures ex
equis prostrati erant, uulneribusq; affecti, se prælio su-
periore futuru animo præfagiebat. Igit̄ capita ad se ac-
cersiri iubet, ut diu inter se sermonē cotulerunt, acies in-
struunt: & collato pede cōcurrūt. Inclinabat Sueui. Tū
Philippi iussu tubicen receptui cecinit, Sueorum mille
interfectū est: ducenti capti, haud affirmauerim, q; qui-
dem annales habet Federici, ne ullū quidē desyderasse
militcm,

Verba
Sueuci
militis.

Sueui
cædunſ.

IOANNIS GARZONIS

52

militem, plures tragula confixos esse: fuere nonnulli, de
quibus magna Federici erat opinio, qui castra hostium
oppugnanda censemabant. At Federicus edixit, ut pugna
abstinerent. Si quis eius iniussu oppugnatum ea pro-
ficeretur, ut in hostem animaduersurū. Cum igitur
se in castra retulisset, Philippi trium dierū inducias pe-
tentis: ut corpora sepeliendi gratia, in unum conseren-
tur: uoluntati obtemperauit. hæc accepta clades effecta-
ut Philippus rebus suis sapientius consuleret: nec teme-
re & fortuito sibi subcunda esset dimicatio. Inter ea Fe-
dericus, quod ea pugna de se optime meriti fuerant,
milites in prætoriu acciri iussit: atq; huiuscmodi uerba
locutus est. Quanta in rebus bellicis uitute polleant
Suevi, proxime intelligere potuistis. ea clade illata: ut
castra minime egredi audeant, eo peruentum est. Tan-
tus est ipsis terror iniectus. quamobrem nolite commi-
litones mei fortunæ (id quod est tritum sermone pro-
uerbiu) se præbenti deesse, & oblato casu ad cōsilium
flectere. Prioribus diebus hostium stationes adorari,
atq; oppugnare institueratis: ne castra egredieremini:
prohibui, quod ex uobis alij uulneribus affecti erant,
alios pugnæ labor confecerat, pauci integri ac recentes.
Plures a nobis dati sunt oeio dies: petamus hostium ca-
stra, ea oppugnemus. Nobis in manu est uictoria, lan-
guori ac desidio, ut exploratores referūt, se dediderūt,
pudendum est Sueuos in agris uestris tam optimis, tam
fertilibus

Verba Fe-
derici ad
milites.

fertilibus, ut uarietate fructuum, & magnitudine pa-
stionis, cæteros antecellunt, statua habere: Quare pœ-
nas aut morte, aut turpi dependant fuga. Hac oratio/
ne impulsi, prælium capessere statuerunt: & quales se
gloriari soliti erant, eos se præstare. Igitur tripartito ex-
ercitum instruxit: nam qui non multo erant corporis
robore, ac animo demissi, his urbem tuendam dedit.
Qui uero rem militare callebant, hos ad stationes ho-
stium oppugnandas secum duxit. Reliquos ut Triario
rum munus sustineret, instituit: quo si quid aduersi illis
euenisset, ipsi præsidio essent. Re in hunc modum com-
posita, Federicus Imperatorem cum Legionibus expe-
ditis, sese in hostem conferre iubet. Haud procul ab eo-
rum castris aberat, cum Philippus ab exploratoribus
de ipsis aduentu certior sit. Igitur factu optimum ra-
tus, ut milites instructi, atq; armati castra tutentur, ho-
stemq; tantum repellant, per Praeconem pronunciat.
Si quis ea egrediatur, is sciat pœnam sibi esse constitu-
tam: ut ad castra uentum est, utrinq; tela coniunctur.
Federici Imperator militibus animum afferre adnitit,
eam præ se ferant uirtutem, quam tot secundis prælijs
præ se tulerunt. Hac oratione commoti, in castra prosi-
liunt. Res geri gladijs coepta est: Eo prælio uictoria pe-
nes Imperatore fuisset: ni Philippi hortatu Suevi ani-
mum recepissent. Vtrinque complureis gladio ad inter-
missionem cæduntur: ac sine ullo respectu pietatis extin-
guuntur:

guuntur: atq; Imperator portam quam patefecerant milites, in potestate suam redigit. Tum uniuersus exercitus in tentoria impetum facit. Nequeo oratione consequi, quantu sanguinis fuderit. Quippe quantum dextræ ad cædendum ualebant, tantum interficiebantur: Philippus desperata uictoria, cum paucis equitibus prælio profugus Aldenburgium peruenit, Imperatori eum subsequi, haud fuit in animo. Satis superq; erat: quod cum castris exuisset. hac uictoria elatus, Borniū uictorem exercitum deduxit. Tulit in ea signa militaria complura, galeas cælatas, uasa argentea, auri, argenticq; vim magnam, uasa, galeæ q; Misnam eius iussu deportata sunt: atq; in diuī Donati templo locata. Interiectis paucis diebus, Philippus ad Adulphum literas perferti curat, quibus se prælio profligatu exponit, exercitum cæsum, impedimenta q; amissa: Quare si belum instaurandum curet, mittendum supplementum esse, mittēdā inq; in stipendium pecuniam. Adulphus, qui mente suam ad Misnam subigendam contulerat: audita exercitus strage, repente Georgium Otringensem cum infinita Sueoru ac Rhenesium multitudine, Philippo in præsidium misit. Cum uterq; capias coniunctissim ad Bornium: ut ea potiret obsidione, cingendæ negotium suscepit. Quancq; ab ea cum exercitu nō longe consedisset, ipsamq; tormentis nocte & interdiu uerberasset: cues tamē, qui in Federicum fide & animo erant

Ottingen.

erant singulari, nullus præstringebat pauor. Obsidio ipsa & si dura esset atq; aspera, eam tamē oppidanī nihil pendere, q; Federicū omnibus rebus potiore habeant. Verū magna uis hyemis adeo Sueuos premebat ut Imperatores exercitum abducere cogerent. Paucis post diebus Aldenburgiū hyematū cōtenderū: Adulphusq; ut nouū militē eis ad belli præsidiū conferret, literis monuerū. Interea Legatos p; petendis triginta dierū inducjs ad Federicū mittunt: q; ad cōponēdam pacē, omni sint cura intenti, Aldenburgiū ipsorū Legati cōueniant. qui cū cōuenissent, humane, benigneq; accepti sunt. Tum Philippus huiuscemodi orationē habuit: Nuncq; in animū meū induxi uiri Libonothani, ut Adulphus: & si illum cognitione attingam, uos bello persequeret. Qd' si ipsum ad sententiā meam traducere potuisse, profecto res meliori loco staret. Neq; nesciū estis, quantū urbibus, atq; agris uestris ex bellis dāna sint suggesta. Toties nobiscū signa cōtulisti, multis cladibus percussi sumus, Nondum bello superiores discessisti, in fine stabit laus, permulti in prælio morte occubuerunt: clarissimis uiris, quos si fieri poterat, immortales esse oportebat, orbati sumus. Qd' si in mea potestate sitū fuisset, nequaq; inter nos manū cōseruissimus, mihi in Adulphi sententiā cōcedendum fuit. Si ager uester uastatus est: si ædes uestræ flammis absulū p̄t: si ad mœnia urbium signa prop̄ intulimus: si eas

E 2 obsedimus:

Oratio
Philippi
ad Libono
thanos.

obsedimus, nimirū absumus à culpa, uoluntati aliena sum obsequutus, ut utilitatem publicam priuatæ anteponcrem: nullum genus mortis mihi recusandum putau. Princeps Albertus, hanc quam iniuria possidetis, regionem uenam Adulpho dedit: hic magnam uim auri exoluit. Sua repetit: qui si hac se occupatione relaxarat, quiuis cum nulla mente constare arbitraretur: magnum Romano imperio dedecus inureret. An nos eos esse existimatis, qui Adulpho, qui omnem prope Germaniam, Pannoniam, Bohemiam, sub imperio suo redigit, resistetis. Hac si estis mente (Bona cum uenia dixerim) aniliter desipitis: Vestrū est uiri Libanothani, quantum studio & fidelitate cōsequi potestis, incepto absistere. Accedite sententiæ meæ: cum eo redite in gratiam: quæ inter nos extiterunt discordiæ, ac dissidia, sempiterna deleant obliuione. Ipse ut rem paucis complicitar: Prius de uita, quam de sententia decedet: qui Romani imperij decus, atq; utilitatem sibi defendendam suscepit. Quod si iure nō poterit, armis tuebitur: quam amplissimum ex equitatu ac peditatu cogit exercitum: statuit quam sibi dij daturi sunt fortunam experiri: ut Philippus orationi suæ finem imposuit. Otto Pflugius qui apud Libanothanos summo erat in honore, in hunc modū respondit: fertur. Si quæ protulisti uerba cum his, quæ abs te priore anno gesta sunt, conscientia essent, uiri Libanothani excusationē tuam acciperent.

Otto Pflugius.

acciperent. Nam quod infestissimo in eos odio essem, maxima dedisti documenta: qui Legatos suos uinculis ac uerberibus, atq; omni supplicio excruciatos, necandos iussisti: quid abs te crudelius fieri potuit? Quod uero ais regionem Libanothanam Romano imperio subiici, quod eam Albertus uenam Adulpho dederit: ex quo Federico deceđendum sit. Verba sunt, atq; ineptiæ: quod si in sententia permanserit, Adulphum qd ei sumini imperij ius datum sit: regno spoliaturū affirmas. Haud tanta nos capit mentis insania, ut eos nos esse arbitremur, qui Adulphi imperium excipere ualeamus. Multa in Italia atq; Asia bella ab his gesta sunt, nuncq; eorum uoluntati defuimus, maximas hostium copias, nostro sanguine ac sudore fuderunt: atq; inimico ferimus animo: cum nobis præter iustitiam, bellum inferendum duxerit, ei deum benignitate resistemus. Non languor, non desidia, nos in oppidis atq; agris, quæ ditionis sunt Federici, tuendis occupat, nulla te dubitatio capiat: quin hi sumus, quales patres nostri, qui Quintilium Varum cum quinq; Legionib; de medio sustulerunt. Illi inuito eam regionem incolimus: nec tu ignoras Sueuos tuos à Saxonibus inde propulsatos: sed ut rem paucis absoluam, tibi nos eos fore pollicemur: qui nunquam fide decessuri simus, Federico corpus, animumq; addiximus. Igitur infecta pace, quisq; in tecta sua discesserunt: postero die Legati urbem ex-

E 3 cesserunt:

Tubanti/
norum
agri.
Cygnea,

Fribergū.

cesserunt. Philippus rem omnem, ut acta erat ad Adulphum deferri iubet: ex quo iracundia adductus aduentus Libonothanos, comparato, cum ex Suevis, tum è Rheni acolis exercitu, expeditionē fecit. Igitur per Tabantinorū agros in Libonotriam dicens, ibi primum ad urbem Cygneam exercitu duxit. Fuit hæc urbs tunc Imperatori subdita, à Cygno conditore dicta, postea ab Henrico primo restaurata, ubi triduum stativa habuit: ibi parte exercitus Philippo tradita, cum reliquis copijs ad Fribergum contendit. Inde per Camannos iter fecit. Est hæc urbs Marchioni Misnensi subdita ab Ottone tempore Federici primi, ob opulentissimā argenti uenam: muris circundata: nec procul ab ea castra posuit, quod ad ipsam potestati suæ subiiciendam, propenso ferebatur animo. At Federicus ut ex speculatoriibus Adulphum, urbem ipsam obseßurum accepit, repente Nicolaum Haugucium cum manu minime contentnenda: qui eam tuendam susciperet, silentio noctis præmittit. Clivus non longe abest à Fribergō, sub eo fossores fossam admodū altā duxerāt, inueniēdi argenti gratia. Eius rei inscius erat præfectorus quidam Adulphi: Is in clivi cacumen, ut urbis moenia & situm cōtemplaret: atq; eo in loco castra poneret, cū his, quib⁹ præerat copijs, euasit. Vix hora intercessit, ut diuus concidit: ea ruina ipse una & copiæ oppressæ sunt. Adulphi animo tantus est pauor mictus, ut extemplo caltra referenda

referenda duxerit: tum cōmilitones suos ad se acciri iubet. Ego si gradū retuli, nulla uos admiratio subeat: non enim ab obsidione abduxī exercitū. Verū tot exsistunt cuniculi occulti: ut nisl rebus nostris consuluerimus, eandem præfecti sumus subituri fortunam: quare concedite in sententiā meam. Præmitiendus est speculator, qui loca in quibus cōfidamus, castris idonea metetur. Cum igitur is loca diligenter inspexisset, non longe ab urbe retulit solidum esse solum: nullisq; refertum cuniculis, eo cū exercitu iter conuertit. Interea oppidanī in muris præsidia disponūt, iubentq; ut per uices uigilias agant custodes: Insuper delegunt, qui nocte intra pomerium muris obambulent: si quem habuerint obuium, qui nequaq; ædat nomen, Illico prehendant, sciscenturq; quid cause subsit, cur nocte ad pomeria contenderat. At Adulphus, q; iam urbem oppugnare stauerat, tormēta disposuerat, in muros saxa ingenti pondere emittebat: quo factum est, ut magna pars muri cum fragore haud paruo procideret, cōfestim oppidani, peregriniq; alterū ex lignis, tenaci terra, uirgultiq; miræ latitudinis murū extruūt, qui saxorū ictus posset excipere. Vbi hostis q; tentauerat, secus cessisse animad uerit, Adulphi iussu gradū retulit, pfectusq; ad aliam muri partē, quæ ab ruina nō exiguo spatio aberat, scalas admouet, cōscēdere admitit: qui ad eā partē custodiā habebat, illū dant p̄cipite, alijs uentre, alijs pectus, alijs brachium

Verba
Adu'phi
ad milites

IOANNIS GARZONIS

40
 brachium hastis transfigunt: alios in faciem umbone
 percutiūt: quo iectu ex muro prolapsis, crura, cervicesq;
 infringuntur, nihil fuit fossæ, quod cadaueribus nō im-
 pleretur. Ex quo Adulphus qui à tergo nō aberat, præ-
 cedentibus receptui cecinit: atq; omnes cogitationes
 suas ad urbem fame macerandam contulit. Annum
 unum, menses quatuor traxit. Hæc obsidio, cum iuu-
 nis quidā, qui urbem incolebat: ex occulto in hostium
 castra proficiscitur, ei Adulphus sui conueniendi pote-
 te omni, qua uehemēter afficeris molestia liberaabo; diu-
 hanc urbem obsedisti, nōdum eius compos fastus es.
 Acquiesce consilio meo: à quo si te seiunxeris, omitten-
 da tibi prorsus erit obsidio. Aquæductus, per quā nō
 nunq; aqua in urbem fertur: non longe à porta abest,
 in eum si miles ingrediatur: nō modo ad mœnia urbis
 penetrabit, uerum etiā in urbem transibit: non absur-
 ueritate, tu periculum facito. Adulphus iuuenis, uerba
 auribus admouit, spondens se muneribus & beneficiis
 complexurum. Igitur milites duo ē fuis cum illo missi,
 qui aquæductum inspiciant: & an ita sit, considerēt: illi
 re diligenter inspecta, nunciant iuuenem nullo menda-
 cio contaminasse ueritatem. Itaq; milites tricenos dy-
 peum, gladium, scalprum, malleum, securim, iubet su-
 mere, atq; accensis luminaribus aquæductum ingredi:
 ut ad murum uentum est, substiterunt, subito in infrin-
 genda

Verba pro
ditoris.

genda muri fundamenta, omnem operam conferunt,
 breui ingens lapidum multitudo amota est: uix aquæ-
 ductum egressi erant, cum magna pars muri corruerit.
 Illico Adulphus cum expeditis Legionibus assuit: op-
 pidani, quo hostis ingressum prohibeant, accurrunt,
 ingens contrahitur certamē. Atrox cædes utrinq; adi-
 tur, sed cum uis ui reiçci nō posset. Adulphus siquidem
 armatorum multitudine abundabat, uictoria potitus
 est. Oppidani cum plures ex prælio in arcem demig-
 rant, in sequenti die Adulphus caduceatorem ad arcis
 præfectum præmittit: qui uitam, fortunasq; omnium,
 si eam uelint tradere, pollicetur: præfectus, ne moleste-
 ferat, respondit: si prius ad Federicum rem ipsam detu-
 lerit. Erat Federicus per id tempus in Misna, ubi urbem
 captam, arcemq; in summo esse discrimine: nec posse
 illi esse præsidio, quod Philippus cum maximis copijs
 transitus insederat, cognouit. præfectum, ut eam trade-
 ret, literis monuit. Pluris præterea homines, q; arcem,
 commilitonesq; suos: quoru virtutem pluribus prælīs
 didicerat, existimabat. His igitur quod omnibus inco-
 lumibus res suas liceret efferre, in bonam spem addu-
 etus: Adulpho arcem tradidit. cum in urbem cuncti ue-
 nissent: Adulphus portas, ne quis ingredi, aut egredi
 queat, obserari iubet. Præco eius iussu: ut qui arcem
 egressi fuerant, confessim omnes arma sub exitu uitæ
 deponant, edicit: id edicti non paruum illis timorem

Adulphus
urbe po-
titur.

F incussit.

incusit. Ut tandem animos receperūt, instituunt egregiā morte occumbere, sed eos Misnensis quidā: cui multū tribuebant, dehortatus est: Armis in hanc modum depositis, eos Adulphus ad se accersit, atq; nisi intra dies tres, grandi arte redempti sint: unumquenq; turpiter, ignominiosq; peritum, se sacramenti religione obstringit. Hec ubi Federico, quem illorum uisendorum summum capiebat desiderium, nunciata sunt: stomachatus est, & moleste tulit, quod paucæ admodum ei erant pecunia, nec qui ipsius imperio seruiebant: quod per tot annos exhausti erant, pecunias imperare audebat. Ex quo Legatos ad Adulphum mittit, querentes nō esse Imperatoris Romani fide decedere, se eius comilitonibus sponsione fidei esse obstrictū. Adulphus qui in Federicū hostilem gerebat animū. Quæ, inquit, pronulisti uerba apud me, pro nugis habentur. Ni die crastino, quem necis captiuis destinavi, pecunia soluerunt, cunctis moriendum erit. Ut Legati ad Federicū redierunt: quo in captiuos Adulphus esset animo, expponunt: ipsum de uita potius, q; de sententia decessum. Ni æs grande exoluat ad unum omes perituros. Federicus in captiuos misericordia comotus: q; sua causa, id discrimē inciderant, Legatos ad Adulphum iterū mittit, qui eius uerbis si captiuī reddant, Tres urbes nobilissimas, Grimyn scilicet, Rotlitiū, Lusniacū, quæ nō longe a Multauio distant, polliceant. In hunc maxime modum,

modum, Adulphi lenita est ira. Cum Legati & captiui urbe excessissent, ad Federicum concesserunt: quos ut intuitus est, haud lachrymis temperauit. Tum ita orsus est. Quam utilitatē, quod emolumētum, quem frumentum commilitones mei, quibus urbem nostram tueri dederamus, consecuti sunt, improba fortuna, quæ fortissimis uiris, ac de uirtute optime meritis, semper fuit inuisa, atq; infesta, eos crudelissime necauit. Si Friburgum amissimus, abestis uos à culpa comilitones sidelissimi. Bienniū ab hoste obseßum est: nunq; ipsum suæ ditionis fecisset, ni fortuna ipsa uiā aperiisset. Quanta uos beniuolentia, amore, charitate cōlectamur: qui uis hac coniectura cōsequi potest, cum uos tribus ciuitatibus potiores habuerim⁹. Nullus nobis scrupulus, nullaq; dubitatio inīcitur, quin deum munere eas repetituri sitis, quæ fecistis, prudētissimo cuiq; probata sunt, nō semper hostib⁹ fortuna affulgebit. Non iniqua reportarūt uictoria, si extrema cū primis contexent, haud multū assecuti sunt: huiusmodi ȳba comilitonibus lachrymas excusserūt: ipsiſq; dolor uocē inducit. Hæc dum gerebant, Adulphus literas ad Philippū perferri curat: quib⁹ illum docet & Fribergiū, & arcē in potestate suā redegisse, quare sit bono animo. Paucis post diebus ad Fonteiam, quā paulo ante obsederat: regressus diu eā oppugnauit, q; Federicus robustissimis militibus custodiendā dederat: sed fame oppressi, urbe

F 2 in Adulphi

Oratio
Federici
ad cōmi-
litones.

44

IO ANNIS GARZONIS

in Adulphi imperiū dediderunt. Inde cum ad Picastrū castra moturus esset ad oppidum, quā Lucam Libano thanorū uocant iter couertit: non enim parua ei suspicio inerat, ne ab oppidanis exercitu damna suggesterentur. Igitur oppidum oppugnare admittitur: ut animaduer-
tit frustra id incepsum esse, quod ipsum Federicus fir-
missimis munierat presidijs: hyems præterea appete-
bat: copias abduxit: seq̄ in Sueiam contulit: ubi am-
plissimum numero coegit exercitum, q̄ in cuncte Vere,
in Libanothanos ei castra mouenda erant: sed certior
factus, q̄ aduersus ipsum Albcrtus Pannonicus prin-
ceps expeditionem parabar, ne quaq̄ in sententia per-
mansit. Veruntamē magnam copiarū partem ad Phi-
lippum, qui per id tempus Fonteiae statuia habebat,
sub ea conditione, ut sese ad illum adiungerent, prope-
rare iussit. Paucis diebus quieti datis, quod de via fessæ
erant, ad Lucam abierunt. Evidem si annalibus fides
adhibenda est, peditum erant uiginti milia: equitum
duodena. Hæc ubi Federico nunciata sunt, suspirione,
ne hostis primū urbis compos fieret, adductus, deinde
Picastrū ob sideret. Præterea numero & robore uirorū
erat inferior: ex Libonotrijs & Misnensibus p tempo-
re congregauit exercitum. Insuper qui in ciuitatibus hi-
bernauerant milites, custodibus relictis, ut ad Lipsium
couenirent, edixit. Celebratis missarū solennijs, cuncti
CHRISTVM optimū, maximum, ut ipsis de hostibus
det

det uictoriam, præcibus fatigant. Ipse ut se eos præsta-
tent, quales prioribus tēporibus præstissem, pluribus
uerbis hortatur. In sequenti die Picastrū peruenit, ubi
noctem unam ocio dedit: sub lucis exortū ad hostium
castra profectus est: quibus cum appropinquasset, co-
pias in aciem eduxit: eosq; in prælium exciuit, ne hi pu-
gnam detractarent. Adeo acriter concursum est, ut fre-
mitus pugnantium Picastrī sit exauditus. Diu uictoria
neutro inclinata stetit: Libanotrij, quod egregiam Fe-
derico nauare operā instituerant: equis calcaribus con-
citis, maximo impetu in hostem ferebantur, unum-
quenq; obuium ferientes. Sueui quanq; se illis obijce-
rent: cogebantur tamen pedem referre, quod grauibus
uulneribus acceptis, morte occumbebant. Quo factum
est, ut perturbato ordine, prælio profugi, deserta & auia
petierint: quibus nullus fugæ locus patuit, hi occidione
occisi sunt. Ea pugna Philippus captus est, unaq; per-
multi nobiles. Federicus Picastrū cum uictore exercitu
reuersus, interiecto paucorū dierum spatio, ad Lipsim
cōtendit: præibant ipsum, qui equis uochebantur arma-
ti, exuuias in pilis gestantes. Sequebant uincti captiui.
Ut Lipsim intrauit, quicquid auri, argēticq; fuit, in Tho-
mæ apostoli templo posuit. Postq; Adulphus copias
uictas, cæsas, & fugatas, ac Philippum captum resciuit,
ad reparandum exercitum, omni fuit cura intentus. Ex
quo milites complures ad eas urbes, quas ditionis suæ

F 3 fecerat,

fecerat, tuendas eius iussu profiscuntur. Ipse quam primum oblatam sibi occasionem putabat, subsequetur. Verum prohibitus, quod ei ab Alberto grauissima bella interfecabantur: cum reliquo exercitu se in ipsum confert: cum quo dum collatis signis dimicat, interficitur id quod Federico maximam peperit laetitiam. Quin eonfuit animo, ut urbes amissas, breui recepturus esset. Igitur Philippus, ut acerbi quicquid atque incommodo ei nunciaretur a custodibus, in ipsius conspectum deducitur. Tum Federicus, quod nunc inquit, tua fere iactabit audacia. In quem abs te fiet impetus, quem Legatum mandandum iubebis. Quas urbes latronibus tuis diripendas concedas? Ni quae ad me iure attinent oppida redenda curaueris, maximo tibi erit infortunio. Philippum tantus paucor, tremorque omnium membrorum cœpit, ut diu hincere non posset: Animo tandem recepto, quae in mea, inquit, sunt potestate, oppidorum compositiones. Fribergij reddendi, quando in aliena sit manu, ne mentione quidem feceris. Paulo post Philippus in carcerem in Rotlitiana arce demittitur. Vbi cum aliquot dies mansisset, custodium fraude sua fugit: ad Coldium peruenit: ubi a suis summa cum iucunditate acceptus est. Adeo Federicus illius fugam moleste tulit, ut ceteros nobiles sordidissimo carcere incluserit: atque amotis custodibus eius, foras firmissimis praesidijs munierit. Interea Alberto, de quo paulo ante memini, summi

summi imperij ius desertur. Ad eum tum Philippi, tum Federici uerbis litera: afferuntur, quod hunc Adulphus nulla laceratus iniuria, regno depellere fit conatus, urbibus spoliauerit, cladibus afficit. Quare ut aliquando tantis laboribus, modus statuatur suæ maiestatis esse: id facile fieri posse, ut opera sua Philippus alieno abstinet. At Philippus se in maximum discrimen adductum, uerericq; ne his urbibus, quas Adulphus in imperij Romani potestatē redegerat, priuaret, affirmabat. Quare ferendas ei suppetias statuerat, ne de Imperatoris dignitate minueretur. Albertus, quod ad omnes dolos, & ad omne consilium, uel cogitandum, uel explicandum prudentissimus erat: utriusque literas & diligenter, & accurate legit. Igitur Federicum bono responderet esse animo: cum nulla spe decidere, quin amissa oppida sine ictu gladij sit recepturus. Se ad Bohemiam breui iter facturum, Federicus ad eum diuertat, Philippus aderit, pacis inter eos componendæ, se curam, onusque suscepturum: atque ut oppida reddantur curaturum. Federicus hoc responso accepto, non mediocri exilijs laetitia. Haud multi dies intercesserunt, cum Albertus Aldenburgum peruenit: ad Federicum, ut ad se iter intendat, nuncium mittit: Concessit Federicus in Alberti sententiam. Nulla siquidem interiecta hora, eo contendit: ab Oppidanis humane, benignèque excipitur. At Albertus erga Federicum collocutiones familiarissimas:

familiarissimas: complexusque summæ beniuolentiae falso iudices simulat, seqꝝ pollicetur, quantum in eo fuerit, accessurū desyderio suo. Haud multo post hospes aduenit, Federicum ad sumendum cibum inuitat. Interea Albertus quendam ex armatis, quos ad custodiam corporis: non solum in bello, sed etiam in pace habebat, ad se accersit: huic si Federicum necauerit, magna argenti, auricꝝ præmia statuit. Igitur auaritia captus, sese rem transacturum spondet: Cœnabat nobilissimus princeps, cum latro districto gladio in triduum ex occulto interuenit: qui cum Federico erant robustissimi ac fidelissimi milites, hominis mirati aduentum repente surgunt: atqꝝ in eum cœuicia faciunt. Non desuerunt, qui se latroni opponerent, uni gladio brachium traiecit. Milites ira perciti, latrone prehendunt, discerpuntq; Hospes ne tanti sceleris conscientia haberet hospitio Federicum abducit, Interea tanti facinoris fama urbem peruersit, ad rem uisendam maximus fit hominum concursus: hospitium oppugnatur: ingreduntur, ut Federicum nusquam intuentur, in milites imperium faciunt: alios uulnere afficiunt: alios occidunt: alios prehendunt: alios in fugam uertunt. Postero die Fericus mutata ueste, ac nullo comite urbem egressus est: ac per nemora auia Picastrum terrestri itinere concepit. Insequenti die, quibus apud ipsum præcipua erat autoritas: ut ad se accedant, commoneri iubet. Paruerunt

ruerunt illi principis uoluntati, cum omnes ei assedit, sentient quantam in ipsum & commilitones suos credulitatem adhibuerit, qui uero impetus factus sit, exponit: haud protul absuisse, quin ab Alberti milite occideretur: se cum fore qui post hac nulli Imperatori sit fidem habiturus: suo periculo multos docuisse, qui rebus suis in de mentislimam subierint temeritatem, sapientius consilient. Nunqꝝ in eo principe spem eam collocandam, cui ingenitum nō est laudabile, neqꝝ lene consilium, qui saevitiam meditatur more leonis, qui & ui & animi superbia fretus, præda audius, gregem inuadir. Se nondum esui potiū finem imposuisse, cum miles stricto gladio, ut ab eo occideretur missus est, se comilitonū suorum beneficio seruatū. Cum in hæc deflenda prolabetur, steterunt grauissimi uiri diu mutua admiratione defixi, omnes in auaritiam, qua uehementer impediebatur, crimen contulerunt. Enim uero si à ueritate abesse nolumus, fatebimur unam esse auaritiam, cui si erit adieceris superbiā: haud ibo inficias, quæ officiū omne peruerit. Tandem omniū eò ut in Albertū vindicaretur, inclinarunt sententiæ. Cum in hoc statu ad Picastrū res essent, Albertus captiuos, quod Federicum incolument petiisse Picastrum rescierat, è carcere emitti iussit. hi se patriæ reddiderunt. Nec parua præterea, ne essent qui cum tanti sceleris autorem arbitrarentur, suspicione adducebant. Philippus uero ne fide decedat, ne animo

deficiat, ne ullus ipsum subeat timor, uerū urbes atq; arces sibi tuendas putet: quod ei ingētes copias in præsidū breui sit missurus, certiorē facit. Postero die ad Friburgū ut ciues ad amicitiā & cōsuetudinē suā traducet proficisci: eis tributorū immunitatē tribuit. Rebus ita cōpositis ad Boemiam diuettit. Hæc ubi Federico nūciata sunt, nulla interposita mora exercitum comparat atq; ad Fonteiam castra ponit. Interea Albertus princeps Thuringius ut filiū Ludouicū, que extra matrōniū natum diximus, instituerat hæredem, se principatiū imperiōq; abdicauit. Eam rem permulti inimico tulerunt animo. Sed præmio corrupti nequaq; in sententia manserunt: haud multum temporis intercessit cum Albertus in Erfordia extremū uitæ diem morte conficit: confessim inter proceres quod alij Ludouico, alij Federicō principatiū deferendū censebant, est oborta contentio: ubi his de rebus ad Federicū allatus est nuncius. Theodericū cum multitudine armatorū ad Fonteiam cōcūueniendā mittit: ipse in Thuringia iter intendit, reipente insinata expeditorū militū multitudo sese ad eū adiuxit. Ex quo ciuitates complures ditionis suæ fecit: qui Ludouico studebāt, Erfordenses Comitē Vinariæ; Comitē Glichoniensem, non nisi prælio superatos dimisit: quibus ad fugam pedes auxilio fuerunt. Secundo ad Albertum proficiscuntur auxilium orantes, haud desuit Albertus eorum uoluntati. Nam quem ex Panonicis

nonicis coegerat exercitum illis ad belli præsidium contulit. Interim Federicus urbem Gotthiam, quondam a Gotthis conditam obsidebat: cum legiones Alberti in Thuringiam peruererunt, cuncta ferro incendiocq; absumentes. Tandem cum Erfordensibus ut tutiores redderentur, se coniuxerunt. Ea tempestate comes Vinariae, de quo paulo ante dixi Erfordensibus impabat, corroborato in hunc modū exercitu in urbis Sangerhausenensis portis cōsederūt, diu eā obsederāt cū incolæ occultū nunciū ad Federicū ut ipsis copias in præsidū mitteret p̄ficiisci iubent. Paruit hic illorū uolutati: nam quæ ipsis præsidio essent legiones expeditissimas duce Theoderico mittēdas duxit. Nec multo post ipse Gotthiā sub imperio suo redigit: ut aliquot ocij dati sunt dies cum uictore exercitu in hostes iter confert. Quod ubi resciuerūt ab urbe copias abducunt, atq; ad urbem Vinariam profugi se recipiunt, nec uestigij abest Federicus ubi eos se in urbem conieciisse animaduertit: binis castris modico inter se distantibus interuallo: ne exitus inclusis ab urbe néue aditus foris ad auxilia intromittenda esset, in portis confedit. Tandem eius tempus factus est. Vnde an deditione incertum habeo, hostium alios occidit, alios cepit. Comes Vintia cum permultis Erfordensibus captus est, & in vincula coniectus, ex Alberti exercitu milites complures, mirum fuga euaserunt, seq; ad urbem quam Salzam uocant

uocant contulerunt, qui cum Erfordensibus & comite Glichoniensi ut eis praesidiū mitteret, per occultos agut nūcios, eo praesidio ad arcem quam Hectorisbergium uocant, castra admouerunt. annum prope obfederant, nec eā imperio suo subiecerat. Ex quo Federicus quod multitudine hominū abundabat, ad eam obsidione libetandā diuertit: quod omnes fere se fuga pripuerūt, qui operas fortibus uiris dignas adant mortem oppeterunt. Hæc cum in Thuringia gerūtur Theodoricus copijs Sucuorum prostratis, Fonteiam, Fribergiū, com pluraq; oppida, quæ ad eos descierant in potestatem suam redigit. Ex quo ad Lipsim in Hiberna cōtendit Casu accidit ut dominicæ nativitatis sacra, in templo di ui Thomæ celebrarent: is cum adesset, quod religio sisimus esset, à milite quodā imperfectus est: extemplo fama percrebruit id factū Philippi hortatu: Id ubi Federicus ex nuncij cognovit, nulla interposita hora, Lipsim uenit, & in templo diui Pauli apostoli tumulatus, ibiçz Philippū Cignauiorū, Aldenburgiū & Camnorū praesidio, Fonteia potestati suæ subiecisse cōperit, deinde Lucam copias duxisse, atq; in portis consedile, Ex quo legatos in Thuringiā, qui delectū habeat, mitit: Ipse cum Libonotrijs Picastrū peruenit, in eam ciuitatem cum omnis exercitus cōuenisset, in Philippū ita intendit, eo animo, ut sua manu illū occideret: cū uterq; exercitus diu cōgressus esset, imperatoresq; suis animū adserant

adserent. Philippum pugnātem animaduertit: hic est inquit cuius prōditione frater meus mortem occubuit: haud itmpne sibi erit. Igitur in nobilissimū ac rubustissimum equum assiliit, eumq; educto gladio in Philippum concitat, nec ille pugnam detrectat: pugnam diu pugnauerūt. cum Philippus pluribus ac mortiferis uulneribus grauatus, ex equo prolabitur, subito quæ sub signis suis militabant copias fama peruersit: Philippū cæsum esse, ex equo prolapsum: omnes terga dederūt. Quibus etiam Philippus urbes ab se captas tuendas dederat: iū ut imperfectum intellexerunt. ipsis relictis ad Fribergiū confugiunt. Quoniam eo temeritatis deuenient, ut ipsum tueri minime diffidebat. Federicus uero quod ei ciuitates relicte sese dediderant in Thuringia regressus est: ibi comperit Ludouicum comparasse exercitum: quod Albertus magnam uim Gallorum illi in praesidium miserat, quo auxilio Calonem oppidum obfederat: præterea Erfordenses & Comitē Glichoniensem ad Herciniū, ei syluæ id est nomen, castra posuisse. Ex quo iracundia adductus, cum Ludouico manū conserere statuit, dextrum cornu tenuere Libonothani & Misnienses, sinistrum Thuringi: & si diu collatis signis dimicassent Federicus tū prælio usus est secundo, præterachostilibus cohortibus Boemus quidā: cui Schonbergo erat agnomen: hic captus est & in carcerem coniectus. Hac uictoria elatus, ad Erfordenses animū uer-

tit ac prius consilio, quod humanissimi est principis,
quam armis agendum statuit. Igitur ex ipsis quos-
dam qui magnae autoritatis erant, nam eos per num-
cium ad se acciri iussérat, in hanc sententiam allo-
quitur. Non sum nescius uiri Erfordenses quanto
amore Ludouicum, incerto patre natum complecta-
mini: cui uos metipso addixistis oppida, quæ mihi
hereditate obuenerant, sub illius imperio redigisti.
Quod si id quanto nobis futurum esset periculum cum
animis uestris consyderaueritis: nimurum aliena fu-
issetis uoluntate, eam coacti estis subire fortunam,
cuius memoriam perhorresco ex animi mei senten-
tia, iuro ut ego de Erfordensibus, si post hac in ean-
dem curam incubent: exquisitissimum supplicium
sumam. Quo temeritatis adducti estis: qui cum Fe-
derico cui tot uictorias de hostibus dñj immorta-
les dederunt, manus conserere audeatis? Sueui bel-
lo fortissimi sunt, eos tamen non semel, sed siepius
prælio subegi. Proxime Alberti exercitum, cum quo
Norici, Helvetiç se coniunixerant prælio fudi: ca-
stris exui, ingenticç præda sum potitus. Quæ cum
ita sint, decedite à sententia, accedite desyderio meo.
Consulite saluti uestre, dejcite de principatu & im-
perio, expellite incerto patre genitum. Quod si in sen-
tentia perstabitis, bellum parate: qui pacem pati non
potestis.

*Oratio Fe-
derici ad
Erfordenses.*

potestis. Erfordenses, qui infestissimo in Federicum
erant odio, se ad eos qui opibus, armis, potentia uale-
bant, de ea re relatuos respondent, nec uererí: quin
in ipsum suam sint uoluntatem collaturi. Ut igitur re/
gressi sunt, Federici orationem exponunt: qui se popu-
lo addixerant: armis inquiunt decernendum est, quod
Federicum terror inuaserit. Postero die Erfordenses
& Federicus inter se manus conseruerunt. Nunquam
acrius castra castris collata sunt. Quippe gener ac so-
cer, fratres, ciues, infestis hastis se mutuo petierunt:
Eo prælio res Federici superior fuit: Erfordenses Lu-
douicum Comitem Glichonensem in sylvas equo ab-
ripuerunt. Reliqui arma abiuentes sese Federico per-
miserunt: omnis fere Thuringiæ populus à Federi-
co in ditionem receptus est: Ipse paucis post die-
bus, quod reficiendus erat exercitus, ad Misnenses di-
uertit. Fribergum, quod à Sueuis captum diximus, re-
cepturus. Cum igitur stationes ante urbem posui-
set: Caduceatorem præmittit, qui ciues admonet ad
unum omnes: ni in sententiam suam concedant: Sue-
uos exterminet, urbem tradant, perituros: Fribergum
sui iuris esse, ad se adtinere. Ciues, atq; hi potissimum
qui plurimi siebant: non ad se spectare, qui urbem
tradant, respondent: semel Alberto imperatori fidem
suam, constantiamq; præstissem: non esse consuetudi-

nis se ab illa descissere, quin in eos qui eam uiolassent
ab ipsis seuerissime uindicatum, nec par esse his qui ur-
bis custodiam haberent iniuriā facere, quin eos esse ea
uirtute præditos, qui amissam breui recepturi foret. Fe-
dericus Caduceatoris uerba mēte agitans, armis agen-
dum statuit. ut igitur muros demoliretur immēsæ ma-
gnitudinis tormenta idoneis locis dispositi: Breui pro-
cidit magna pars muri cum ingenti fragore: ambibat
murum fossa mira latitudinis atq; altitudinis, ea iussu
Federici oppleta est. conabatur obseSSI missilibus hostē
submouere: quæ in portis erant præsidia disposita, pa-
rum proficiebant, quod tormentis telisq; icta morie-
bantur. Verum fossa oppleta, militibus Federici ad mu-
ros transitum dedit: magnam partem dolabnis subrue-
rant, cum ruere incepit. at obseSSI ad defendendam ur-
bem, quæ opus erant, nihil pratermittebant: tum qui
apud Federicum militiam militabant pedites nonnulli,
quanta maxima possunt uoce inclamat. referte con-
militones gradum, mœnia corrunt, in hæc uerba cor-
ruerunt: adeo excitata est pulucrea nebula, ut multis
cum oppidanos, tum hostes oppresserit. ut sedata est:
tollitur omnibus ingens clamor, nunq; acrius concu-
sum est. Nam quo magis oppidani iaculis, catapultis,
balistis, atq; omni telorum genere repellere nitabant,
eo magis sese inferebāt. plus mille hominū interfectū
est:

est: Federicus desperato ingressu, ad alteram murorum
partē, quæ à ruina multos passus aberat, scalas admo-
ueri iubet, magnūq; numerū militū conscedere, se q; in
urbem immittere: uix murū concenderat, cum hostes
cepisse urbē rumor emanauit: quo factū est ut Suevi
ciuesq; pedem retulerint, tum Federicus instare, unū
quēq; obuium ferire, animū suis afferre. Mars ipse ex
acie optimū quenq; pigneratur: cōplures metu mortis
compulsi, abiectis armis, in loca abdita se conferūt. qui
bus nullus fugæ locus patuit, ad Federici genua proci-
dunt, errati ueniā petentes. tum princeps clemētissimus
in eos misericordia cōmotus, ne quis post hac feriretur,
per præconē pronūciauit, quod ipsi suo exēplo docti,
arrogantiae pœnas dedissent. Suevi ut armis depositis
insta bīduū urbe egrederen̄ edictum. permultæ ciui-
tates nunciata Fribergi clade, se Federico sponte gmi-
serunt. Tandem ad Aldenburgiū castra posuit, annū
prope illud obsedit, quod à ciuib⁹ fortissime obſiſte-
batur. Est non longe ab urbe arx in colle munitissima,
quam & expugnare aggressus, sed cū ui id efficere diffi-
debat ad insidias configit. Igitur milites (quorū uirtute
fidebat) ad se cōuocat: his si arcis murū scandant ac cu-
stodibus aut interfectis aut prehensis eam sibi tradat,
magnā uim argēti pollicet: Illi Federico obtēperare cu-
pientes, interdiu in syluis, quæ ab urbe haud procul ab-
erat, delitescūt: simulq; murorū altitudinē contēplant̄.

Secunda

Secunda uigilia insidias egrediuntur: qui ceteris nocte anteibant, omnes in secretum abducit, oratq; ut confertis manibus mutua dent fidem: se diligenter inspexisse murorū ambitū, eos esse custodes, quorū animos confessim timor subicit: se primū qui murū concendit fore. Res in hunc modum componitur: erat nox intemperata, cum nullā emitentes uocem, ex sylua abeunt, ut loco eis accommodo perspecto in mēnia euaserūt, paullulum morati, scalas lineas, quarū extremis illigatae erāt manus ferreae superiorū murorū parti iniiciunt. Nimirum quibus fortuna affulget, id quod est in proverbio celebratum, nullo egent consilio. Custodes qui in mōrōrum custodia erant, ad unum omnes necarunt. Alios, in caput a muro præcipites dederunt, alijs uitam ferro eripuerunt. Non multo post Federici signa ad mēnia deposuerūt. Ego custodes uel metē uino alienata fuisse crediderim, uel somno oppressos, hoc maxime modo. Federicus arce potitus est. Ipse autelucano tempore cum legionibus expeditis intromittitur: In sequenti nocte ardentissimas faces in ciuium tecta coniisci iussit: quæ flammā incendiū euocabant, eorum ruentium fragor ubiq; audiebatur: fama est tertiam prope partē urbis flammis absumptam. coacti sunt obsecrī ac mōnibus inclusi se dedere. Qui in pertinacia persistērāt eorum bona diripiuit, reliquos tutos præstītit. Quæ proxima erant oppida ne eandē cogeretur subire fortunā, metu perculta

perculta claves ad quercus depositas ei detulerunt. Reluctarunt autē aliquot annis Cignei & Camanni, ne se suā ditioni subderēt: quoniam hi iuris imperij semp fure, sed diuturnis incursionibus & multiplici incomodo affecti, in sententiā eius concedere coacti sunt: adsentiente Ludouico Bauaro impatore, qui has urbes Federici administratione comisit. In exitu annus erat cum de integrō in Thuringiam uictorem ducit exercitū. Castella demolitus, uicos incendio consumpsit, agros uastauit, arbores succidit, turres ad solū cuerit. Paucis post diebus in Ersordiam infestissimo progreditur odio. Erfordenses ei obuiam prodeunt precibus orātes, ut modum irā statuat, quæ ut suppressa erat, alio reserret cogitationes suas, se fateri ē recta uia declinasse: hostibus suis præsidio fuisse, esse clemētiā ac prudētiā suā, ipso rum excusationē suscipere. Federicus eis crimina condonavit: iussit q; ut quotannis maximis ipsum, & a q;bus ei succederetur, in ueribus prosequerentur, ac singulos iureiurando adegit.

IO. GARZONIS BONONIENSIS RERVM SAXONICARVM AD ILLVSTRISSIMUM FEDERICVM SAXONIAE DVCEM,
LIBRI SECUNDI FINIS.

BASILEAE APVD IO. FROBENIVM MENSE
MARTIO AN. M . D . XVIII.



10. FRO.

7.6

7.6

